

TINGANA

 Ndza khensa, Makwerhu Neville. A xi ku katekisi!

Avuxeni, vanghana. Swi sasekile kuva hi ri lahawani mixo lowu. Nakona ndzi ehleketa leswaku ndzi endlile... Ndzi vile mutivisi eka nkarhi wa Makwerhu Neville. A tshamile endzhaku lahaya a ri na, a ri karhi a kuma tsalwa ra yena kun'we; kutani ndzi nghenile, a sungula ku pfala tsalwa ra yena, a ku, "Kunene..."

² Swi ndzi tsundzuxa hi malembe lawa ya nga hundza. A hi tolrevele kuva na makwerhu wa mukhaladi kwalahawani, hi vito ra Makwerhu Smith, na Sesi Cross. A va ri vanghana va kahle va mina. Nakona loko ndzi kumeka ndzi ri karhi ndzi famba emiakwini na vusiku, nakulorhi wa mudyuharhi a tolrevele ku... A ri na malevhу yo basa ya mastachi. A ndzi tivi loko un'wana wa n'wina a n'wi tsundzuka, kumbe a nga n'wi tsundzuki. Nakona a tava eka platifomo, ma swi tiva. Nakona hinkwavo ka vona a va tava va ri ekuyimbeleleni, "I Patu Ra Hayiweyi Ro Ya eTilweni." Nakona Makwerhu Smith, ntsena u lo tshamisa xileswi, ma swi tiva. Kutani mina ndzi ta nghena hi nyangwa wale mahosi.

³ A kuri na xinhwenyetani, xa ntima nyana, a tolrevele ku tshama a khoneni. A xi ta sungula ku phokotela mavoko ya xona, xi ku, "A hi N'wi tlakuseni," risimu lero, ma ri tiva. Va ri ngheniserile vunanga lebyi byi nga bya vona eka rona, ma swi tiva. Nakambe eka khona leyи yi landzelaka, a kuri na un'wana, a nge, vuya nakambe, "A hi N'wi tlakuseni." Kunene, hi rona leri a va ri yimbelela loko ndza ha nghena hi nyangwa. Ntsena ndza va rhandza ntlawa walowo wa vanhu.

⁴ Nakona switano nale ka Makwerhu Smith loko a tshamile endzhaku lahaya, swintsongo nyana, ma swi tiva, nakona i nakulorhi wo miyela nyana. A ngaku, "Nghena, nkulukumba, wisisa xidloko xa wena." Kungari leswaku "ti wisisi wena n'winyi"; "wisisa xidloko xa wena," wa vona. "Nghena, nkulukumba, u wisisa xidloko xa wena." U ta tlakuka kwalahaya, kutani, ndzi nga ha vula hi ndlela leyи a sungurisaka xiswona, a ndzi ri eka swona, wa vona.

⁵ A nga ku, "Kunene," a ku, "vana, ma swi tiva," a ku, "A ndzi—ndzi tshamile lahawani ntsena ndzi ri karhi ndzi hlamala leswaku, 'Hosi, xana U ta ndzi nyika ndzi vulavula yini?'" Ndzi ku, "A Xo—Xo—Xo tshamela ro dzinginyisa nhloko ya Xona, Xi ndzi dzinginyisela nhloko. 'Kuhava lexi Ndzi nga ta ku nyika xona xo xi vula.'" Ndzi ku, a ku, "Ndzi vonile

Nkulukumba Branham a nghena endzhaku lahaya, kutani ndzi ku, sweswi, ‘Hosi, ntsena ndza sungula ku tsundzuka . . .’” Kunene, a ndzi swi tsundzukile!

⁶ Makwerhu George Wright, u pfuke njhani, makwerhu? [Makwerhu Wright a ku, “Oho, kahle. Hakunene.”—Muhleri.] A xi ku katekisi, Makwerhu Wright! Hakunene-nene. [“Makwerhu Elijah u kona endzhaku lahaya.”] Oho, a hi swona xana? Makwerhu Elij’ Perry, u te, u vuyile u kona kwala. Xana u le kwihi, Makwerhu Elij’? I khale ndzi nga se n’wi vona . . . Kunene, mina, nkateko! Sweswi hi fanele hi va na nhlengeletano ya ntiyiso lahwani! Elij’ Perry, George Wright, na van’wana swidyuhati leswi swi nga tolvela kuva kona lahwani loko hi ntolovelu mi fanele hi ku khomelela maxatasi endhawini, hi mavoko ya hina, loko moya wu ba. Swi sasekile ku mi vona! Manana, Sesi Wright na wena? Sesi Wright u nghenile? U kona endzhaku lahaya, na yena. Ina, nkulukumba. Kunene, swi kahle njhani! Sesi Perry, ndza va vona hinkwavo sweswi. Kunene, sweswo swi kahle swinene. Swi sasekile kuva hi nghenile. Swi sasekile ku tshama etindhawini leti. Swi sasekile kuva swin’we.

⁷ A ndzi kunguhatile, hi ku tika, ku tlhela ndzi vuya; a ndzi ri na ndwalo embilwini. Ntsena a ndzi tlhelerile eAfrika, tani hilaha hinkwerhu mi swi tivaka. Nakona loko ndzi tava ndzi fikile kwalahaya, kutani a ndzi ri na vhisa ya swipimelo, kutani a va nga ta ndzi pfumelela, a va nga ta ndzi pfumelela ndzi chumayela hikuva a swi ta hlanganisa vanhu votala kun’we. A va langutele ku tala ka vanhu kwalahaya hi nkarhi wun’wana na wun’wana, nakona—nakona a va—va nga ndzi pfumeleli ku chumayela hikwalaho ko hlengeleta vanhu votala kun’we. Ndlela yin’we ntsena leyi ndzi nga yi kotaka, a kuri ku va na nhlangano lowu wu nga ta yimela hi mfumo, eka mfumo, leswaku wu ndzi rhamba, kutani sweswo xikan’we-kan’we swi ta pfumelela mfumo leswaku wu rhumela masocha ya ta rindza. Wa vona, ntsena va . . . Ntsena nhlayo yi ta tlakuka, nakona hi swona hinkwaswo sweswo eka rona. Ntsena swi le vokweni, wa vona. Munhu yaloye wa mfumo u teri, “Hi nkarhi wo hetelela loko a ha ri lahwani, a ri na kwalomu ka kotara ya miliyoni ya vanhu kun’we.” Kutani a ku, “Kutani, ma swi vona, walowo wu tava wu ri nchumu wun’we ni lowu xikhomonisi xi nga eku wu laveni, ku tlakuka ka nhlayo.” Swingaleswi, ndzi ngaka ndzi nga chumayeli.

⁸ Vanhu lava va nga yima lahaya, va ri karhi va yimisa mavoko ya vona, na ku huwelela va ku, “Tsundzuka manana wa mina! Tsundzuka, buti wa mina u file! Mina . . .” Kwalahaya, na le khotsweni, ma swi tiva, swigogo swa nsimbi, nakona ntsena swi ku endla u nga titwi kahle. Nakona ndzi tlhelela ekaya.

⁹ Kutani ndzi ehleketa leswaku, “Kunene . . .” Jaha ra mina, Joseph, endzhaku lahaya, u tekerile swin’wana swintsongo ehansi eka ku hlaya ka yena. Nakona u vile na . . . U swi

pasile kahle hinkwaswo, kambe u fanele a yisa emahlweni; a nga hlayi kahle. Swingaleswi ndzi ehleketa, "Kunene, hi ta fanelia ku tshama nyana ekaya swintsongo." Kutani ndzi ku, "Loko hi nga tshama ekaya, swi ta fuma vuvhakacheri bya vana." Swingaleswi hi ku tlherisele endzhaku, hi n'wi teka hi n'wi yisa eka xiphemu xin'wana hi Mhawuri, kutani hi pfumelela... kutani hi tlhela hi vuya nyana lahwani, mavhiki manharhu.

¹⁰ Ndzi ku, "Ndza pfumela, loko hi vuyile lahaya, ndzi ta teka ni ku khoma nhlengeletano. Hi ta kuma odithoriyamu ya leyo ya xikolo leyi nga lahwani, nakona—nakona hi tava na nhlengeletano kusuka hi ra vumakume mbirhi-nhungu kuya emahlweni kuya fika eka ro sungula, nhlengeletano leyi yi nga eka odithoriyamu ya xikolo. A ndzi lava leswaku ndzi vulavula hi dyondzo leyi ya ku va chululela Timbita ta nkombo to hetelela." Swingaleswi hi kumeke hi vitaniwa, nakona hi vile na ku nyumisiwa nyana. A va hi pfumelelanga hi va na swona swikolo leswu nakambe, hikuva swi kumeka swi ri na mintshungu yo tala ya vanhu lava va taka. A hi nge hevi na yona kun'wana. Kutani hiloko ndzi kunguhata, loko ndza ha ri endzhaku lahwani ku ngari khale, ematshan'wini ya...

¹¹ A hi nge swikoti ku nghenisa vanhu hinkwavo, loko hi tava hi nave.... A yi kalanga yi navetisiwa, sweswi. Swingaleswi loko hi nga nghenisa vanhu hinkwavo, hi ringeta ku nghenisa etabernakeleni lahwani, hi ngaka hi nga swi endl. Wa vona, ntseña swi... ntlhanu wa masiku hi ri lahwani ma tava ma ri lawa ya chavisaka.

¹² Swingaleswi, hi tshamile kwalahaya hi vulavula na Makwerhu Neville na Makwerhu Woods, na vona, hi vuye hi kunguhata ku swi endla leswi. Loko hi nga swikoti, ematshan'wini, sweswo swi nga hi endla hi va na tinhlengeletano tinhharhu ta swikhongelo; yaleyo yi tava yi ri ya ra vumakume mbirhi-nhungu, makume mbirhi-nkaye, makume nharhu, makume nharhu-n'we, na ro sungula. Kunene, ndzi twa onge hi ngava na tona, hi sungula hi Sonto lowu wu landzelaka, hi nga hava na swikhongelo swimbirhi, mixo wa Sonto na madyambu ya Sonto, walowo i wa ra vukhume nhungu. Nakona hi ra—hi ra vumakume mbirhi-ntlhanu, hi tava hi ri na ya Sonto ni mixo na madyambu ya Sonto. Teto ti tava ti ri tinhlengeletano ta mune ta swikhongelo. Kutani hi siku ro sungula ra Mhawuri, hi va na ya Sonto na mixo na Sonto na madyambu. Sweswo swi ta hi nyika swikhongelo swa ntsevu, nakona sweswo a swi nge endli leswaku vanhu va manyana loko va nghena. Nakona ndzi ehleketa tano.

¹³ A mi swivoni leswaku sweswo swi ta antswa kutlula kuva na un'wana na un'wana exikarhi ka ntshungu va tlhela va

kandziyelana, na swin'wana? Swi endlekisa xisweswo ntsena hi swikhongelo swi mbirhi, hi nga swi yisa emahlweni ha sweswo, kambe un'wana na un'wana a tikomba a manyukuta. Ku ringana ntlhanu wa vusiku, hakunene, swi nga ha yi endla yi tika.

¹⁴ Nakona ndzi lava ku hlangana na matrasti na vakulukumba lahwani, loko ndza ha ri kona lahwani.

¹⁵ Leswi swi ta kumeka hinkwako. Hi hanya eka masiku lawa yo hetelela, laha Evhangeli yi nga—yi nga pfumeleriwiki tani hilaha a Yi fanele yi ri hakona. A Yi na yona nfanelo leyi a Yi fanele yi ri na yona. Yi kumeka yi songananile na tipolotiki na swin'wana, nakona ntsena tani hi yunyoni. Nakona sweswo ekuheteleleni hilaha yi nga ta fika kona, hikuva mfungho wa xivandzani wu ta fanela ku ta hi yunyoni, ha switiva. Swingaleswi hina—hina... Hikuva, i ku boyikhota, “kuhava munhu loyi a nga ta xava kumbe ku xavisa, ku tirheriwa loyi a nga na mfungho wa xivandzani.”

¹⁶ Nakona sweswi ndzi lava ku kuma leswaku, hi vakulukumba. Ndzi titwa ndzi rrangeleka. A ndzi se tshama ndzi va na ndlala yo kotisa yaleyo embilwini ya mina ya Xikwembu, evuton'wini bya mina hinkwabyo, kutlula loku ndzi nga na kona sweswi, wa vona. Hikuva... Nakona ndzi—ndzi lava ku kuma tende leri ri nga ra mina na switirhi swa—swa mina, tani hilaha Hosi yi ndzi nyikaka xivono xa swona, nakona ndzi pfumela leswaku nkarhi wu fikile. Nakona ndzi lava ku vona loko ndza ha ri kona lahwani, leswaku hikokwalaho ka yini hi nga kumi tende.

¹⁷ Nakona—nakona loko hi famba, tani hiloko hi ta lahwani eJeffersonville, ematshan'wini ya kuva na siku kumbe mambirhi, kumbe manharhu kumbe mune wa masiku, hi nga ha ya ehenhla lahwani hi ya zima tende leri, kutani hi va na mavhiki mambirhi kumbe manharhu, ma swi vona, nakona ntsena kuhava munhu loyi a nga vulaka nchumu ha rona. Nkarhi wun'wana hi nga ha teka rivala ra bolo, kumbe, loko va nga hi pfumeleli leswaku hi va na rona, ku na n'wamapurasi lahwani u ta hi lomba purasi ra yena. Hi ta hirha purasi kutani—kutani hi ri zima kona. Nchumu wun'we ntsena lowu hi nga ta wu endla kwalahaya, ku tava kuri ku endla vutiaki bya—bya hina, na kuya emahlweni, na ku kanganyisa ka hina. Nakona sweswo swi nga endleka hi ku olova. Nakona hi ta sungula kuva na swikhongelo hi ndlela yaleyo hikuva sweswo swi hi xivono lexi xi humaka eka Hosi, nakona xi fanele ku endlwa hi ndlela yaleyo.

¹⁸ Kutani loko hi nghena, tolo, na ku kuma leswaku, ma swi tiva, *leswi*, *sweswo*. Nakona a swi famba hi xitarata, na munghana wa mina wa kahle a hi ri karhi hi famba swin'we kwalahaya, a ku, “Xewani, Billy.” Ndzi n'wi languta, a ri na misisi yo basa xigamboko, na xidyelo *xexo* xikulu. Nakona

jaha leri hi tintangha. A hi tsutsuma-tsutsuma kun'we, nakulorhi wa malwandla, loko ndza ha ri n'wana. A swi ndzi hlekisa nkarhi wun'wana.

Jaha ra mina lerintsongo, Joseph, u teri, "Hikokwalaho ka yini u twisa vusiwana, Papa?"

¹⁹ "Oho," ndzi ku, "A ndzi nge swikoti ku ku byela swona, Joseph. Wa vona, a ndzi nge swikoti, a ndzi nge ku byeli."

²⁰ Kutani ndzi languta eka Elij' Perry loyi a nga tshama endzhaku lahaya, na Manana Perry; swi tikomba tani hiloko tolo va vile na tinhloko ta ntima ta vatekani lahaya, a vari va makhelwani va mina, loko hi tava hi vile na byatso bya khale, Wahoo, nakona hi rhelela ehansi enambyeni hi ya njovela na vusiku. Ndzi va vona havumbirhi bya vona va basile tinhloko, ma swi tiva, swi vula nchumu wun'we, i ku baza nyana loku ku taka, "A wa hari na nkarhi wo tala." Wa vona?

²¹ Swingaleswi, ndzi lava leswaku siku rin'wana na rin'wana ra vutomi bya yena ri hlayeriwela Xona. Leswi ndzi nga swi siya, nkarhi lowu ndzi nga na wona, ndzi lava ku wu tirhisela kun'wana ndzi endla swin'wana, loko ndzi nga ha tluli ku yima ekhoneni, ndzi mbhoniyelela kukwetsima ni ku xixima Xikwembu. Nakona ndzi—ndzi lahwani hi xikongomelo xexo.

²² Nakona ndzi na ndhawu ya xihundla lahwani a Green's Mill, Indiana. A hi doroba, sweswi, i—i mananga. Nakona vanhu van'wana va ku tekile, nakona a va nge ku pfumeleli hambi kuri ku ku pfumelela u veka nkondzo kona. Kambe ndzi na bakwa kwalahaya laha va nga taka va nga ndzi kumi loko ndzi tava ndzi nghenile eka rona. Ndzi nghena kona hi minkarhi ya na vusiku, nakona a nge switivi loko hi leswaku ndzi nghenile kumbe ndzi humile. Nakona a nga ku tivi laha baku ri nga kona, nakona a nge kumeki eka rona swingari na mhaka leswaku ri le kwihi. Kutani ndzi lava ku ya eka rona ndzi ya vulavula na Hosi, xinkadyana, ndzi twa sweswo swi lulamerile.

²³ Nsati, u lava ku ta, u lava ku vuya a ta endzela kwala kusuhi, nakona Rebekah na Sarah, na vona, na vanghana va vona. Nakona hi vuyile lahwani ku ringana mavhiki manharhu, nakona loko Hosi yi swi rhandza.

²⁴ Nakona ndzi ehleketa, ematshan'wini ya ku manyanisa vanhu kun'we, eka tinhlengeletano ta vona lahwani a tabernakeleni... Hikuva, lowu i wa hina, i wa Hosi, yi hi nyike wona. Nakona wuna swibela moyo wo titimela. Tani hiloko hi va na xikhongelo xa Sonto ni mixo, xikhongelo xa Sonto ni madyambu. Sweswo swi ta endla leswaku vanhu va tlhelela etindhawini ta vona, kutani va rindzela ku kondza vhiki leri ri taka.

²⁵ A ndzi ehleketa leswaku ndzi nga ha teka nakona—nakona hi ximfumo ndzi endla vululami eka ku chuluriwa ka Timbita

leti to hetelela, hikuva ti na lerikulu, Hungu lerikulu ngopfu eka tona. Kambe ndzi nga ha khongelela vavabyi, ni ku endla swilo leswi... Ndzi na Mahungu, na mina, tani hilaha Hosi yi nga ta ndzi nyika wona, eka kereke. Exikarhi ka vhiki, ndzi ta huma lahawani ndzi ya emananga kun'wana ndzi ya hlaya, ndzi vuya hi Sonto na mixo, ndzi fika ndzi va na xikhongelo xa Sonto kukotisa lexi, na xikhongelo xa na vusiku xa Sonto. Mufundhisi lontsongo wo rhandzeka swinene wa hina, Makwerhu Neville, ndzi n'wi vutisile loko sweswo swi n'wi enetisa. Sweswo i ku n'wi tekela swikhongelo hinkwaswo, kambe u tsake hi ku tlurisisa ku swi nyikela eka—eka sweswo. Ntsena ndzi...

²⁶ Makwerhu Capps, yena, ndza vhumbha, u twe hi ndhuma ya kahle, na yena, nakona ndza swi vona leswaku u fambile, na—na Makwerhu Humes. Kutani Hosi a yi ri na Makwerhu Mann lahawani leswaku ntsena a yisa emahlweni, endhawini. Ma swi tiva, a swi sasekanga xana hilaha Xikwembu xi endlaka swilo hakona? Minkarhi hinkwayo Xi na swilo leswi xi nga swi vekela minkarhi ya swona kahle. Ndzi tile nakona ndzi twe un'wana a ri karhi a chumayela. Ndzi ku, "Sweswo a hi... ndza pfumela..."

²⁷ Makwerhu Capps, u ta a Tucson, nakona ndzi ehleketa leswaku ku n'wi hundle hi ku hatlisa, a kuri kwalomu ka dzana na khume wa tidigrisi. A nga lavanga ku endla nchumu ha sweswo, swingaleswi u lo tifambela, yena na Makwerhu Humes, kutani va ya ePhoenix. Hikuva, i dzana na khume ntlhanu kuya eka khume ntsevu, khume nhungu kufika kwalahaya. Sweswo a swa ha nyanyile hambi swi ri tano, swingaleswi ndzi pfumela leswaku u yile eTexas endzhaku ka sweswo; yena, a ri karhi a ringeta ku kuma ndhawu.

²⁸ Kambe a ma ha ri lavi Arizona eka nkarhi lowu wa lembe, ndza mi byela. A kuri dzana na mune wa makume, siku rin'wana, Wavunthalhanu lowu wu nga hundza, dzana na mune wa makume wa tidigrisi, a Parker. Kutani kwalaho hilaha Makwerhu Craig, loyi a humaka eka kereke ya leyi, a tshamaka kona. Nakona u nga ha faya na tandza, nakona ri ta katingeka ri nga se khumbha misava. [Makwerhu Branham a hleka—Muhleri.] Loko u, loku u tshwutela marha u ta—u ta kuma leswaku ndhongho a wa hari kona, ntsena ri... Kuhava nkungwa kuhava na nchumu, kova ntsena ovhene leyi yi bakaka eka nkarhi lowu wa lembe. Kambe kusukela kwalomu ka Hukuri, N'wendzamhala na Sunguti, ku kahle. Kambe loko swi ta eka Nyenyankulu na Dzivamisoko, swa antswa u hambana na kona loko u nga lavi ku taleriwa.

²⁹ Kutani swingaleswi Makwerhu Capps na vona vakumeke va ta ntsena hi nkarhi walowo, laha ndzi pfumelaka leswaku wu vuye wu va fambela. Swingaleswi kumbexani Hosi yi swi endle hi xikongomelo sweswo. Ndza swi pfumela leswi, leswaku Xikwembu xi xixima minkondzo ya lavo lulama. Minkarhi yin'wana swi tikomba swi tika.

³⁰ Kukotisa siku rin'wana eka rendzo leri ro ya eAfrika, a ndzi ri na ntiyiso wa leswaku ndzi le ku fambeni eka ku rhandza ka Xikwembu. Hikuva, lembe leri ri nga hundza, a ndzi ri eDzongeni, ndzi khomile tinhlengeletano to landzelelana, nakona, va—va, ndzi ehleketa . . .

³¹ Loko ndzi ta ndzi huma eka vandla lero, va ku, "U nga ha ta, hi Christian Business Men, kambe kuhava lexi hi nga xi endlaka ha swona."

³² Kunene, a ndzi swilavi ku hoxa vavanuna va kona eka rona, ma swi tiva, swi endla leswaku ku va na ku tikeriwa. Ndzi—ndzi lava kuva endla leswaku va ti twa kahle un'wana eka un'wana. Swingaleswi ntsena ndzi ku, "Kunene . . ." Ndzi va tsalerile papila, ndzi ku, "Tsundzukani, i malembe ndzi ri karhi ndzi ringeta ku lava ku nghena eAfrika, nakambe, ndzi titwa ministri wa mina wu nga helanga eAfrika. A ndzi na . . ."

³³ Hikokwalaho ka yini ndzi fanela hi kuya eAfrika, loko ndza ha ri na ntsevu, madoroba ya nkombo wa madzana lawa ya nga kona kwala eUnited States, ya nga eku vitaneni, wa vona, ntsena kona kwala, handle ko sukela Canada, Mexico, kumbe yin'wana ya tindhawu leti? Hikokwalaho ka yini ndzi lava kuya kona? Kambe i swin'wana leswi swi nga embilwini ya mina, leswi swi ndzi susumetelaka kuya eAfrika. Kwalahaya, vanhu lava, ku na—ku na swin'wana ha vona, leswi ndzi swi rhandzaka, nakona ndzi lava ku yela vanhu va makhaladi ntsena. Kutani ku na swin'wana swo tala eka vona, varhangeri va vona, a va pfumeli leswaku ndzi nga swi endla sweswo. Ndzi—ndzi lava kuya eka vanghana va mina va makhaladi. Kwalaho hilaha Hosi yi nga ndzi vitanela kona. Nakona sweswi va na xilaveko. Votala va vanhu lava, vanhu lava va nhlonge yo basa, va nga hava na madokodela na hinkwaswo. Kambe vona vaaka ndhawu va swisiwana va ti hanyela kwalahaya, kutani xiphemu xi ri karhi xi bola. Ndzi—ndzi—ndzi titwa kuri vona lava va langutekaka ingaku va nga Ri amukela. Hi vona. Ku na swin'wana ha swona.

³⁴ Loko u fika endhawini, u va u tlharihe ngopfu laha u tivaka hinkwaswo, kutani Xikwembu xi ngaka xi nga endli nchumu na wena. Kambe loko u nghena endhawini laha u tsakelaka ku yingisela na ku dyondza, kwalaho—kwalaho kuva kuri nkarhi wa Xikwembu, xi nga ha nghena ni ku vulavula na wena.

³⁵ Kutani swingaleswi ndzi va tsalerile papila ndzi tlherisela, ni ku va byela. Kutani ndzi ku, "Tsundzukani, hi Siku ro Avanyisa, pfumelelani mavoko ya vona ya marhambu ya va emusini, ya ya mi avanyisa! Ngati ya vona yi va ehenhleni ka n'wina, ku ngari eka mina, hikuva ndzi ringetile kwalomu ka khume ra malembe ku vuyela endzhaku."

³⁶ Kutani loko ndzi tava ndzi posile papila, ndzi vuya, Swin'wana swi ku eka mina, "Wa n'wi vona Sidney Jackson,

u teke rendzo ro ya eku hloteni.” Nakona, hi nkarhi wun’we, Hosi yi vulavula na Sidney Jackson, yi ku, “Nghala ya xitshopani ya ntshiva, Makwerhu Branham u khempile; eDurban, nhlengeletano leyikulu.”

³⁷ Kunene, a ri kona lahawani, nakona u vulavurile na wena lahawani. Hi ndlela yin’wana, hi khuvurile... A dume hi ku lwsana na nkhuvulo lowu hi Vito ra Yesu Kreste. Nakona nsati wa yena u nyanye kutlula leswi yena a nga xiswona, ntsena a nga ha tifambela a hambana na swona. U nga ha swi endla... Ndza ku byela, a ndzi nge se tshama ndzi vona vanhu van’wana va vukhongeri lava va nga tinyiketela. Va na kwalomu ka dzana na ntlhanu wa makume kwalahaya, va nga khuvuriwa hi Vito ra Yesu Kreste, nakona ntsena va le ku hiseni ka tiko. Hungu ntsena ri le ku kukuleni Afrika, hinkwako, vahahisi na vavanuna lavakulu va ta, va ta khuvuriwa hi Vito ra Yesu Kreste.

³⁸ Swingaleswi mina, loko ndzi tava ndzi sungurile ku ya emahlweni, ndza mi byela, a ndzi kalanga ndzi va na makhombo yo tala evuton’wini bya mina, ya ku ringeta kuva kona kwalahaya. Kutani hi minete yo hetelela, minete yo hetelela yo famba, lahawani u tsarile eka vhisa ya mina, “Ndzi ngaka ndzi nga tikatsi eka muxaka wihi kumbe wihi wa tinhlengeletano ta swikhongelo; ndzi nga ti yela eku hloteni ntsena.” Kunene, kutani, a kuri rhenke ya yena.

³⁹ Kambe ndzi ku, “A ndzi na mhaka ni leswaku Javulosi u endla yini, a ndzi—a ndzi nge swi endli... A ndzi nge switiyisi leswi swi vulaka hi Makwerhu Jackson a nga swivula hi nghala ya xitshopani ya ntshiva, na *leswi*, *sweswo*, kumbe *swin’wana*. A ndzi—ndzi nge switiyisisi. Kambe ndzo tiva leswaku Xikwembu xi ndzi byelete ku ya vona ‘Sidney Jackson, ni kuya eku hloteni.’” Hiloko ndzi ku, “Ndza famba.” Nakona nkarhi wun’wana... Nakona a ndzi ri na rin’we ra marendzo lamakulu.

⁴⁰ Ndzi kumile laha khombo ri nga kona. Sweswi ndzi ehleketa leswaku, kwalomu ka Nhlangula, loko Hosi yi swi rhandza, ndzi nga ha tlhelela ndzi ya va na nhlengeletano na *swin’wana*, na ntirhisano lowu wu nga hetiseka, na hinkwaswo, wa vona, eAfrika sweswi. Ndzi kumekile emasunguleni ya rona nakona ndzi kuma laha a ri ri kona, ni leswi swi nga swi vanga. Ehenhla lahaya, ndzi tsala, loyi un’wana u na *leswi* swo swi vulavula, na *swin’wana* swi na *swin’wana* swo swi vula, na *loyi* a nga lahaya. Xo antswa xo xi endla, i ku ya lavisia, wena hi wexe. Nakona ndza ku tiva laha khombo ri nga kona, na xivangelo xa kona leswaku i yini; swi hi kwalaho ka kuva vanhu votala va hlengeletanile kun’we, mfumo wu ngaka wu nga ndzi pfumeleli leswaku ndzi va na yona.

⁴¹ Sweswi loko ma Christian Business Men kumbe nhlangano wun’wana na wun’wana, lowu wu ga ta hi

nghenisa, kutani xikan'we-kan'we mfumo...hikuva ku ri nhlangano nakona lowu wu yimelaka hi mfumo, mfumo wu rhumela vuthu ra vusirheleri. Loko ku ngava kuri na vavanuna va makume mbirhi-ntlhanu va ri karhi va huma eka dinominexini yin'wana na yin'wana, makume mbirhi-ntlhanu va huma eka tin'wana, hambi swi ri tano a va nge swi amukeli sweswo. Swi fanele kuya hi-hi nhloko ya nhlangano lowu. Nakona ma Christian Business Men a hi nhlangano lowu wu nga hlawuriwa wu yimelaka tikereke hinkwato. Dokodela Simon, nhloko ya vona leyi yi nga lahaya, munhu wa kahle, ndzi ta fanelu ku hlangana na yena ni ku vulavula na yena. Nakona va le ku tekeni ka tinhlengeletano, na tikereke hinkwato ti ta kun'we. Wa vona? Nakona ndzi pfumela leswaku hi tava na yin'wana ya tinhlengeletano letikulu leti ti nga ta khomeriwela e-e Afrika.

⁴² Kambe mhaka ya mina hi ley, loko mi switiva leswaku mi-mi le ku ringeten i ka ku endla leswi swi nga kahle. Xo sungula i ku, loko u titwa u fambisiwa ku endla swin'wana, kutani swi kambisisi hi Rito nakona u vona loko swi fambelana na Rito, nakona u nga pfumeleli nchumu xi ku yimisa. A ndzi na mhaka ni leswaku i mavhilwa mangani Javulosi a ma hoxaka endleleni, ntsena famba u ya emahlweni u va ehenhla ka wona.

⁴³ Ndzi byerile nsati wa mina ni ku byela Makwerhu Wood, loko ndzi fika lahawani, na vanghana van'wana lava ndzi nga hlangana na vona tolo. Ndzi vile na kwalomu ka ntlhanu wa malembe lahawani lawa swi ndzi tikelaka ku tiva hi leswi ndzi nga swi endlaka. A swi—swi chavisa...Wa vona, mpfuxelelo wona hi woxe, exikarhini ka tikereke, a yi file. Un'wana na un'wana wa switiva sweswo. Ma swi twa eka Tabernakele ley. Ma swi twa hinkwako. Ku na ku bukuta, matitwele yo fa. Ntsena ku na swin'wana leswi swi ngariki kahle. Swi hikwalaho ka mpfuxelelo lowu wo hiseka wu nga famba wu suka evanhwini. Wu ya etikerekeni, u ta va vona va tshamile lahaya. Nakona mufundhisu u le ku phijekeni ku jika hi hungu na swin'wana. Nakona xo sungula mi xi tivaka, u wu jikiseli wusuka eka muxaka wun'wana wa phati ley a va ya ekuveni na yona, kumbe swin'wana. Swi tikomba kuri ku bukuta loku ku nga fa kun'wana na kun'wana.

⁴⁴ Billy Graham u swi lemukile; Oral Roberts. Mr. Allen u vile na yan'wana makhombo, tani hilaha mi switivaka. Oral Roberts u na miako yaleyo ya ntlhanu wa makume wa mamiliyon i ya tidolara, na ku ya emahlweni, kwalahaya. U na xikolo. Nakona, kunene, kuhava munhu a nsin'wini sweswi.

⁴⁵ Ndzi sukile lahawani, hi xivono, ndzi ya halahaya eTucson, ku ya vona leswi Hosi yi ndzi lavaka leswaku ndzi swi endla. Kwalahaya Yi hlanganile na mina kona kwalahaya, tani hilaha

Yi mi byeleke lahwani leswaku Yi ta swi endla, hi xivumbeko xa Tintsumi ta nkombo, ti ku ndzi tlhelela endzhaku hikuva Swilemo swa Nkombo swi lava ku lemuleriwa. Sweswo hi swona hakunene leswi swi nga humeleta.

⁴⁶ Yi ku, siku rin'wana ndzi ri na Makwerhu Woods loko a ta huma lahaya, hi yile eka ndhawu yin'we, hi ya hoxa ribye, loko ri wela ehansi, Yi ku, "Ku nga se hela siku na vusiku bya kona, u ta . . ." Swin'wana, ndzi ma rivarile marito ya kona leswaku a ya ri wahi. "U ta vona ku kwetsima ka Xikwembu."

⁴⁷ Hi siku leri ri landzelaka, xihuhuri xi xikile xi huma eswibakabakeni, nakona ha xitiva xitorhi lexi xi nga humeleta. Loko xi taya ehenhla, va vutisile leswaku a kuri yini. Ndzi ku, "Xi vulavurile marito manharhu, eka ku buluka ka nharhu lokukulu." Vanhu va lo twa ntsena ku buluka. Ndzi twisisile loku Xi nga ku vula. Kutani xi ku, "Kuavanyisa ku le ku beni a West Coast!" Masiku mambirhi endzhaku ka sweswo, Alaska a ri lava kukotisa tani hiloko ri mbombomerile. A Xi ri karhi xi dumaduma hinkwako, ku ninginika ka misava, na hinkwaswo. Ntsena va languteni, masiku hinkwawo, ku ninginika ka misava ku le ku tsekatsekiseni hinkwako.

⁴⁸ Nhlengeletano ya mina yo hetelela, nhlengeletano leyi ndzi ngava na yona yo hetelela. Leri ri tava ri ri Hungu ra mina ro sungula, hakunene-nene, ku chumayela kusukela nkarhi waluwa. A ndzi ri eku chumayeleni eLos Angeles, eka Biltmore Auditorium, nakona a ndzi ri karhi ndzi vulavula hi wanuna loyi a tihlawulelaka nsati hi yexe. Swi nga ha endleka mi ri na thepi ya kona. Yi, ndzi teri, "Swi kombisa vumunhu bya yena na ndhuma ya yena." Ya leswaku, loko wanuna a teka wansati, u teka xinhwenyetani lexintsongo, leswaku xi va nsati wa yena; u teka, ma swi tiva, nhwana wa ximanguva lawa loyi a nga Ricketta wa ntoloveloo, swi—swi kombisa ntsena leswi yena a nga . . . Loko a tekana na hosikazi ya mbhurhi kumbe hosikazi ya vugangu hambi a ngava a ri njhani, swi kombisa yena, leswi hakunene swi nga endzeni ka wanuna loyi. Kambe Mukreste, u languta vumunhu lebyi byi nga endzeni ka wansati, hikuva u le ku kunguhateni ka muti wa mundzuku na wansati yaloye. Wa kunguhata, a ti kumela muendli wa kaya. Kutani ndzi ku, "Kutani, Kreste, ku ya hi Rito ra Yena lahwani, u hi byela hi Kaya ra mundzuku hilaha ri nga tava hakona. I nsati wa muxaka wihi loyi Yena a nga ta n'wi hlawula, ngwavavani ya dinominexini xana? A swi nge endleki! u ta hlawula wansati loyi a nga tava na swihlawulekisi swa Rito ra Yena, nakona yaloye u tava a ri yena Mutekiwa."

⁴⁹ Kutani loko ha hari kwalahaya, Swin'wana swi ndzi bile, nakona a ndzi kalanga ndzi tiva nchumu ku ringana kwalomu ka timinetse ta makume nharhu. Ku vile na vuprefeta lebyi byi nga huma. Xo sungula ndzi xi tsundzukaka, Makwerhu Mosley na Billy, a ndzi ri ehandle exitarateni, ndzi ri karhi ndzi famba.

Hiloko Ri ku, "Wena Capernaum, wena u tivitanaka hi vito ra Tintsumi," lero i Los Angeles, doroba ra tintsumi, wa vona, ti nga tintsumi, "leti ti nga ti tlakusela etilweni, ti ta tisiwa ehansi etheleni. Hikuva, loko mintirho ya matimba yi endliwile eSodoma, leyi yi nga endliya na le ka n'wina, yi tava ya ha yimile ku fikela namuntlha." Nakona sweswo hinkwaswo a swi ri leswi a ndzi ngari na ripfalo, eka mina. Wa vona?

⁵⁰ Ni hilaha ndzi nga nghena hakona eka ku titlakusa, Kreste, a ti tlakusa Yena ni ku byela kereke. Ndzi ri, "N'wina vavasati, a swi na mhaka ni leswaku ndzi ringetisa ku yini ku ta eka n'wina, kumbe ku chumayela ku lwisana na swilo leswi; na n'wina vavanuna, n'wina vachumayeri; mi tshama mi tsanile nkarhi hinkwawo, mi swi endla kufana. Mi ya eka Rona tani hiloko Rito ra Xikwembu ri ngari nchumu."

⁵¹ Kutani loko ndzi tava ndzi swi twisisile sweswo, ndzi fambile, ndzi ya ku, "Kuna Matsalwa ya sweswo kun'wana." Nakona ndzi yile ndzi ya ma kuma laha a kuri Yesu, a tshinya Kapernaum leri nga eribuweni ra lwandle. Vusiku byebyo ndzi langutile Matsalwa. Ndzi vuya ekaya, ndzi teka buku ya matimu; nakona Sodoma na Gomora ri tshame ri—ri va doroba leri ri nga tifuwisa, tsindza wa misava ya Vamatiko. Nakona ma swi tiva, doroba lero, hi ku rhurhumela ka misava, ri mbombomela eLwandle ro Tshwuka. Kutani Yesu a tlakuka a yima, a ku, "Kapernaum, loko Sodoma a ri ri na mintirho leyi yi nga endliya eka rona leyi a yi tava yi endliwile na le ka n'wina, a yi tava ya ha ri kona na namuntlha. Kambe sweswi mi ta boheka ku yisiwa etheleni!" Nakona kwalomu ka madzana mambirhi kumbe mandzana manharhu ya malembe endzhaku ka vuprofeta bya Yena, na madoroba ya vona hinkwawo ya le ribuweni, rin'wana na rin'wana ra wona ya ha ri kona handle ka Kapernaum, nakona ri pavalarile etshakwini ra lwandle. Ku ninginika ka misava ku ri mbombomiserile elwandle.

⁵² Nakona a ndzi profetela, "Los Angeles leswaku ri tava etshakwini ra lwandle." Kutani ndzi vuya ekaya, ndzi ya eAfrika. Nakona loko ndza ha ri eAfrika, va vile na ku ninginika ka misava. Na van'watisayense... Mi swi vonile, a swi ri eka vuhamaxi lebyikulu, leswaku kun'wana loku kulu loku, mindyangu ya kahle yi mbombomela, eLos Angeles, na motela, na kuya emahlweni. Nakona sweswi ku na....

⁵³ Kusukela eka ku ninginika ka misava kwaloko, ku na timbirhi-kumbe ku handzuka ka tiinci tinharhu leti ti nga ta emisaveni, tisungula eAlaska, kurhelela ku ya eAleutian Islands, ku ta ku humelela hikwalomu ka dzana na ntlhanu wa makume kumbe madzana mambirhi ya timayili elwandle, ku ta ku vuyela eSan Diego; ku nghenisa California, kumbe Los Angeles, ku tlhela ku huma nakambe ntsena ehansi nyana ka xiphemu xa California lahaya, eka xindhawani xintsongo lexi xi vitaniwaka San Jose, ntsena ehansi nyana kwalahaya.

⁵⁴ Nakona n'wa tisayense loyi a ri ekuvulavuleni, kuva a vile eka nkonganiso. A hi hlalerile eka thelevhixini. Kutani u teri, “Ehansi ka sweswo ntsena ku na lavha leyi yi dludlekaka.” Nakambe u vule leswi, a ku, “Kwalaho i buwa ro bumbula leri ri nga ta nhlahleka,” a ku, “nakona ku tava tano.” Nakona ku nghenele- . . .

⁵⁵ Munhu, n'wa tisayense loyi a konanisa n'wa tisayense wa chifi, a ku eka yena, a ku, “Kunene, kwalaho kutava ku ri ku mbombomela hinkwako xana?”

A ku, “Swi ta koteka? Swi fanerile!”

⁵⁶ A ku, “Kunene, hikuva, swi nga ha endleka kuva yo tala, malembe yo tala kusukela sweswi.”

⁵⁷ A ku, “Swi nga hava hi ntlanu wa timinetse kusukela sweswi, kumbe swi nga ha va hi ntlanu wa malembe kusukela sweswi.” Ntsena u lo longoloxa ntlanu wa malembe.

⁵⁸ Kambe ntsena loko ndza ha ri na ntlyiso wa leswaku a yimile lahaya ehansi ka Nhlonhlotelo walowo, a veka kuavanyisa eka West Coast lero, kutani ku landzela hi ku mbombomela ka Los Angeles, ri fambile! Hi swona. Swi ta humelela. Rini? A ndzi switivi.

⁵⁹ Kambe, oho, ku humelele yini? Ma swi tiva, hova na matiko-nkulu ya ntsevu ntsena sweswi. A hi ri na nkombo, lero ri mbombomerile exikarhi ka Afrika na United States. Oho, ri le ka matimu, ma swi tiva ha rona. Sweswi, loko lero ri mbombomela, kutani ndzi mi lava mi hlalela loko . . .

⁶⁰ Lowu i nchumayelo lowu ndzi nga chumayela hi wona loko, ndza pfumela, Makwerhu Elij' Perry a nga hava a vile mudiyakoni kwalahawani kerekeli hi nkarhi walowo, eka hinkwaswo leswi ndzi swi tivaka. Kambe ri teri, “Nkarhi wu tata . . .” A ndzi kalanga ndzi switiva kufikela laha Mrs. Simpson a ndzi tiselaka nchu—nchu nchumayelo siku rin’wana. Nakona ndzi na wona ndzi wu tsarile exibukwanini, leswaku mananga lowu . . . “Lwandle ri ta kukula ndlela ya rona yo ya emananga.” Kwalaho a kuri makume nharhu wa malembe lawa ya nga hundza.

⁶¹ Nakona, hakunene, Salton Sea ri kwalomo ka madzana mambirhi wa lifiti ehansi eka levele ya lwandle, nakona loko ku dludlekka kwaloko loku kulu, misava yaleyi yi mitisiwa xisweswo, hi madzana ya timayili hi xikwere, madzana na madzana ya xikwere hi timayili ya mbombomela emisaveni, sweswo swi ta hoxa gandlati ra nhloto wa lwandle ku ya fika eArizona. Hakunene, swi tava tano.

⁶² Oho, hi le ka nkarhi wa le makumu, awara yo kwetsima, ya ku humelela ka Hosi Yesu! U teri, “Ku tava niku ninginika ka misava etindhawini to hambana hambana, nsohensohe wa nkarhi, ku tikeriwa exikarhini ka matiko, timbilu ta vanhu

ta hluleka hi ku chava.” A ku, “Loko swilo leswi swi sungula ku humelela, tlakusani tinhloko ta n’wina, ku kutsuriwa ka n’wina ku tshunele.” Oho, mina!

Matiko ya handzuka, Israel ra pfuka,
Tisayini leti ti nga vuriwa hi vaprofeta;
Ku pimiwa ka masiku ya Vamatiko, ni ku
vilela hi ndwalo;
Tlhelelani, O n’wina vahangalaki, eka n’wina.
(Mi va na ntiyiso wo swi endla sweswo!)

Siku lero ro kutsuriwa ri kusuhi,
Timbilu ta vanhu ta hluleka hi ku chava;
Tatiwani hi Moya wa Xikwembu, vanani na
mavoni ya n’wina lawa ya nga lulamisiwa
ya vonaka,
Langutani ehenhla, ku kutsuriwa ka n’wina
ku kusuhi! (Hi swona sweswo.)

Vaprofeta va vunwa va le ku hembeni, va
tsan’wa ntiyiso wa Xikwembu,
Leswaku Yesu loyi a nga Kreste hi yena
Xikwembu xa hina.

⁶³ Mi xi vonile xifaniso siku rin’wana, hilaha A nga hundzulukisa xiswona xifaniso xexo ematlhelo lahaya xana? Na xifaniso xin’we xa Tintsumi leti ta nkombo loko titlakusiwa, xi jikiseleni evokweni ra xinene, nakona kuna xikandza xa Hosi Yesu a languteke emisaveni nakambe.

⁶⁴ Ma swi tsundzuka loko ndzi ta chumayela hi *Tinguva Ta Nkombo Ta Kereke*, a ndzi nga swi twisisi leswaku hikokwalaho ka yini Yesu a yimile lahaya na “ko basa” loku ku nga rhendzela nhloko ya Yena. A ri Jaha. Ndzi swi tekile kusuka endzhaku eBibeleni, laha yi nge teri, “U tile eMasikwini ya Khale, laha misisi ya Yena a yi ri yo basa kukotisa wulu.” Yesu a ri na ntsena makume nharhu-nharhu na hafu wa malembe hi vukhale, eka ku vambiwa ka Yena.

⁶⁵ Ndzi vitanile Makwerhu Jack Moore, wa ntivo-vukwembu. U teri, “Oho, Makwerhu Branham, yaloye i Yesu eka xiyimo xa Yena lexo kwetsima.” A ku, “Endzhaku ka rifu ra Yena, na ku lahliwa, na ku pfuka ekufeni, U hundzukele eka sweswo.” Sweswo a swi twala kahle eka ntivo-vukwembu, kambe a swi kalanga swi famba kahle, a swi kalanga swi ba swin’wana.

⁶⁶ Ndzi gonyile ndzi ya kwalahaya ndzi ya sungula hi nguva yo sungula ya kereke, kwalahaya Moya lowo Kwetsima wu yi paluxile. Sweswi ma yi kuma eka *Tinguva Ta Kereke* ya n’wina. Ndza vhumbha leswaku tibuku ti ta humesiwa kungari khale sweswi, hi vuenti lebyi hetisekeke bya yona. Nakona ya kombisa leswaku Yesu hi yena Muavanyisi. A kuri na wigi yo basa leyi a va toloverile ku yi ambala, ku funengela wigi na ku yi ambala tani hi muavanyisi, England ya ha swi endla loko ri

ya eka vuhosи lebyikulu. Nakona kwalaho xi hundzuluxeleni ematlhelo eka xifaniso lexi, U kona kwalahaya, misisi ya Yena ya ntima, mi nga ha yi vona etlhelo ra malevhу ya Yena, na wigi yo basa ehenhla. Hi Yena wo hetelela wa vuhosи, hi Yena Vuhosи bya le Henhla. Hambi kuri Xikwembu xi vule tano, xona hi Xoxe leswaku, “Loyi i N’wananga loyi Ndzi n’wi rhandzaka, N’wi yingiseni.”

⁶⁷ A ri kwalahaya na Tintsumi ta kona, Hungu, laha a kuri ku nemulula ka swilemo swa kona swa nkombo leswi swi nga paluxa *mbewu ya nyoka* na hinkwaswo swilo leswi swi nga lahawani. Nakona swi kombisa leswaku a yi ri xifunengeto xa Yena, a kuri—a kuri Vuhosи bya Yena bya le Henhla. U le Henhla, nakona U ambarile wigi, kumbe—kumbe xifunengeto. Bibele yi vule leswaku U ncincile ku hlayeriwa ka Yena, kumbe U tincincile yena N’winyi, *en morphе*. Rito ri ta ri huma eka rito ra Xigriki, *en morphе*, laha ri vulaka mutlangi wa Xigriki loyi a tlangaka swiyenge swotala; namuntlha i nchumu wun’wana, mundzuku u tlanga a ri xin’wana. Hi Yena Xikwembu, lexi nga Tatana, eka ku tlanga kun’wana; Xikwembu, lexi nga N’wana, eka ku tlanga kun’wana; nakona a va Xikwembu, xi nga Moya lowo Kwetsima, eka ku tlanga loku. Wa vona? Hi luya lahaya, Rito ra Yena ra ha ri ra le Henhla. Hi hanya emasikwini ya makumu.

⁶⁸ Loko ndzi tava ndzi vuyile hi le Afrika siku rin’wana, ndzi ri na maendlelo yo karhala. Ma swi vona, sweswi i nkarhi wa vusiku kwalahaya sweswi, nakona a wu fanele hi ku jika. Kutani hi nkarhi lowu ndzi jikaka ha wona, ku vuyela endzhaku nakambe. Hi vile na rendzo ro saseka, rendzo ro hlota, rin’wana ro antswa ngopfu leri ndzi nga se tshamaka ni va na rona evuton’wini bya mina. Kutani Billy u na swin’wana swa swifaniso swa kona, nkarhi wun’wana loko a ri na nkarhi a nga ha swikombisa kun’wana, ni ku mi komba rendzo.

⁶⁹ Ndzi vile na norho. Minkarhi hinkwayo ndzi lorha ndzi tlhelerile eka Public Service Company yaleyo, hi ndlela yin’wana. Swingaleswi a ndzi—ndzi ehleketa leswaku a ndzi ri wa muxaka wo pima ntirho, a ndzi fanerile... Ntesna va lo ndzi tshika ndzi tifambela hi ndlela ya mina, nakona a ndzi ehleketa leswaku ndzi ta... Ematshan’wini yo huma ndzi ya famba hi layini kumbe ndzi famba ndzi ri karhi ndzi hlengeleta tibili, kumbe swin’wana leswi ndzi fanelaka ku swi endla, ntsena ndzi lo, “Kunene, ndzi boso hi ndzexe,” ntsena ndzi yile eku khideni. Loko ndzi tava ndzi fikile kwalahaya ni ku hluvula... swiambalo leswi, ni kuva ndzi ambala swiambalo swa mina swo hlamba ha swona. A ndzi ri ndzexe. Nakona ndzi ehlekete leswaku, “Ndzi ku, leswi a swi kahle, khamphani... Lowu i nhlikanhi, khamphani ya ndzi hakela eka lowu nkarhi.” Ndzi ehleketa, “Sweswo swa chavisa.” Kutani hiloko ndzi ehleketa, “Kunene, mali leyи

ndzi nga yi hlengeleta epatwini . . ." Ndzi vile na havumbirhi ku patirola niku hlanganisela patu, kutani ndzi ku, "Kunene, mali leyi ndzi nga yi hlengeleta, ndzi endlile swin'wana, ndzi ri karhi ndzi tlulatlula lahwani; ndzi lahlile mathikithi ya mina hinkwawo, nakona ndzi na mali ya vona na mali ya mina leyi yi nga katsana na yona. Sweswi ndzi ta switiva njhani leswaku i mani a nga hakela bili?" Ndzi ehleketa, "Ntsena hikuva a ndzi nga tekeli nchumu enhlokweni!" Ndzi ehleketa, "Sweswo a swi kahle. Ku na nchumu wun'we ntsena eka mina lowu ndzi nga wu endlaka, walowo i ku, tlhelela eka superintendent wa mina ndzi ya n'wi byela." Yaloye a ri Don Willis, ndzi ku, "Don, ndzi ma lahlile mathikithi lawa. Sweswi hi leyi mali leyi ndzi nga na yona, nakona ya vona mali hi leyi, yi ri kun'we. Yi tshike lahwani eka khexiyara. Nakona vanhu, loko va nghena, va tava na xilipi xa leswaku ndzi yi amukerile bili."

⁷⁰ Hakanyingi vanhu lava va nga tshama lahwani lava ndzi—ndzi . . . ndzi va tivaka. Lava ndzi nga yi koleka eka vona ku—ku ringana masiku, nakona ndzi ta . . . nakona a ndzi va nyika xilipi. Ma swi tiva, kova ntsena khume ra tiphesente loko u nga pfumelela bili ya wena yi ya emahlweni. Nakona kumbexani, ku ringana dolara na hafu, yi tlhandlekeriwa hi khume ntlhanu wa tisente. Vunyingi bya vona va hanyile . . . Ntsena hi tsakela kuva hi ri kun'we hi vulavula, nakona va ta tshika bili ya vona yi tifambela, kutani mina ndzi vulavula na vona xinkadyana. Hi ku nyika khume ntlhanu wa tisente, ma swi tiva, ntsena u tshama ehansi u vulavula nyana swintsongo, na ku koleka bili ya vona. Swingaleswi yi kuma rhenke ya yona, nakona ntsena u kumeka u ri na tibili to tala leti ndzi nga ti kolekangiki.

⁷¹ Kunene, a ndzi ehleketa leswaku yaleyo hi yona ndlela yi ri yoxe leyi ndzi nga yi endlaka. Hiloko ndzi phaphama.

⁷² Ndhawu leyi hi hanyakha eka yona, Sesi Larson. A ndzi ehleketai leswaku a ngava a ri kona lahwani. A ri wa kahle eka hina; nakona a nga swi tsakeli leswaku ndzi swi vula sweswo. Kambe i manana wa kahle swinene, nakona a hi tshama etikamarenai ta yena. U na ti "apartments" timbirhi, ti ri ti "apartments" letintsongo ti tshame kun'we, hi ti hirhe havumbirhi bya tona. Kutani mina na nsati hi etlela lahwani eka—eka "apartment" leyin'wana laha ndzi nga amukelaka vanhu nkarhi wun'wana loko ndzi swi kota, nakona ku na swibedwena swo hlaya swa mahahlwa kwalahaya.

⁷³ Ndzi pfukile. Yena a nge se pfuka. Kutani endzhaku nyana, u vuye a pfuka. Hiloko ndzi n'wi fambisela voko, kutani a languta a copeta mahlo ya yena timinetse tintsongo. Ndzi ku, "U etlele kahle xana?"

A ku, "Ee."

⁷⁴ Hiloko ndzi ku, “Ndzi vile na norho wo chavisa ngopfu. A ndzi tlhelerile eka Public Service Company nakambe.” Ndzi ku, “Xana ndzi endle yini?”

⁷⁵ Ndzi tsundzuka, tani hiloko ndza ha ri xijahetani, kumbe jaha, ndzi fambile hi tilayini leti a Salem, Indiana, to hambanana... a ndzi ta nghena, ndzi xava swakudya swa—swa ni mixo, nkarhi wun’wana ndhichi ya ti “oats.” Eka dyambu lero ro hisa na hinkwaswo, nakona a ti ndzi hlambisa timbilu, loko ndzi fihlula. A ndzi ta hoxa khume ra tipeni, eka “petty cash” ya mina. Superithendete a ta a ku, a ku, “Wa switiva leswi va nga swivula e—e nhlengeletanwini xana? ‘I mani xipandza-nhloko lexi xi nga ta hoxa khume ra tipeni, leswaku tiva to fihlula xana?’” A ku, “Swi nga antswa loko u nga chela ntlhanu wa macheleni.” Sweswi, hinkwerhu ka n’wina ma swi tiva, ntlhanu wa macheleni a kuri ku fihlula loku kulu hi minkarhi ya vona.

Kutani ndzi ku, “Kunene, a ndzi dyi ngopfu.”

A ku, “Kunene, vunyingi bya vona va humesa ntlhanu wa macheleni. U fanele ku humesa ntlhanu wa macheleni.”

Ndzi ku, “Kunene, a ndzi yi tirhisi.”

A ku, “Yi cheli, hi ndlela yin’wana.” Yaloye a ri superithendete wa mina.

⁷⁶ Kunene, ndzi ehleketa, “Kunene, xana ndzi nga endla yini? Ndzi fanele ku chajiwa ntlhanu wa macheleni, ivi ndzi dya cheleni.” Swingaleswi a ndzi ta huma ndzi ya ehandle ndzi ya kuma swihlangi leswi ntsongo leswi nga pfumala swo fihlula, kutani ndzi swi nyika swakudya swo durha mune wa macheleni leswaku swi fihlula.

Swingaleswi hiloko ndzi ehleketa, “Kunene, xana ndzi nga... Kumbexani sweswo hi leswi Xi nga ndzi khomela swona swo lwisana na mina.”

⁷⁷ Hiloko ndzi tsundzuka, lahawani kungari khale ngopfu, va tile hi ku patirola, va ntlhatlha endzhaku lahaya erivaleni leri ri nga lahaya, va ku, “Chela bili ya wena.” Ma swi tiva leswaku va na tinfanelo to patirola, kambe a va fanele hi ku riha leswi va nga swi onha.

⁷⁸ Hiloko ndzi va tsalela ndzi ku, “A mi koloti nchumu.” Ndzi ehleketa, “Sweswo swi tava hakela mune wa macheleni. Nkarhi wun’wana ndzi tirhisile makume mbirhi kumbe makume nharhu wa tidolara hi nkarhi walowo, ndzi ti nyika vana. Kumbexani sweswo swi nga ha swi endla.” A ndzi tshamela ro lorha.

⁷⁹ Kutani ndzi va na nsinya lowukulu lowu wu humaka kwalahaya, lowu vana va huhwaka ehansi ka wona, nakona lava vo patirola... Sweswi va patirola va ri eka helikopta. Hiloko a nghena a fika a ku, “Billy, swi nga endlekisa ku yini loko ku nga tsemiwa nsinya luwan?”

⁸⁰ Ndzi ku, “Ee, mi nga wu tsemi. Hi ta wu thena kunene.” Ndzi ku, “Makwerhu Wood na mina hi hina hi nga ta wu thena.”

A ku, “Kunene, ndzi ta rhuma munhu a ta wu thena.”

Ndzi ku, “Sweswi, u nga wu tsemi.”

A ku, “A ndzi nge wu tsemi.”

⁸¹ Ndzi ya emahlweni na rendzo. Loko ndzi vuya, a wu tseminiwile wu wele ehansi. Kutani ndzi twe va nawu va ri ekuteni, ma swi vona. Ndzi ku, “Kunene, Hosi, lava va ta wu chotela hinkawawo, ndza switiva.” Swingaleswi ndzi swi susa sweswo, sweswo a swi ri ntiyiso, ntsena ku swi pfumelela swi famba. Kunene, hambi swi ri tano a ndza ha tshamela ro wu lorha.

⁸² Loko ndzi pfuka mixo wun’wana, ndzi te, “Kunene . . .” Xo sungula lexi hi xi endlaka na mixo loko hi pfuka, i ku khongela kun’we, kutani hi khongela loko hi ya ekuetleleni na vusiku. Kutani endzhaku kaloko a tava a kumerile vana swo fihlula, ndzi sungula ku khongela. Ndzi ku, “Hosi, ndzi nga hava ndzi vile munhu loyi a chavisaka. Ndzi ngava ndzi endlile yini evuton’wini, lexi—lexi xi endlaka leswaku ndzi nga suki eka Public Service Company ya leyo.”

⁸³ Ndzi nghenile ndzi ya hlamba, ndzi tlhela ndzi huma. Kutani swin’wana a swi tikomba swi vula leswi eka mina, “Nkarhi wun’wana ndzi nga hava ndzi ri eku pimeni ka ntirho wa *Xona*.” Ndzi ehleketa, “Lahawani i kwalomu ka ntlhanu wa malembe a ndzi endlanga nchumu, ntsena ku Xi rindzela.”

⁸⁴ Loko ndza ha yimile kwalahaya siku rin’wana. Va hi akerile kaya lerintshwa kwalahaya, kutani Makwerhu Mosley hiloko a ta, a ri karhi a vulavula hi rona. Ndzi ku, “Yaleyo yo va nyiko nyana leyi yi humaka eka Tatana wa mina.” Kutani hiloko a sungula ku rila. Ndzi ku, “Wa swi vona, Xi teri, ‘Loko mi nga siya makaya ya n’wina, tiyindlu, misava, vatatana, vamanana, Ndzi ta mi nyika tiyindlu, misava, vatatana, vamanana, na dzana ra swiyimo eka vutomi lebyi, na le ka Vutomi lebyi nga Heriki lebyi nga tata.’” Ndzi ku, “Wa vona, ndzi fanele hi ku sukela tabernakela leyi ndzi yi rhandzaka ngopfu. Kaya ra mina leri Hosi yi nga ndzi nyika rona lahaya, ndzi fanela kuri siya. Ntsena Xi ndzi tlherisele hi ku ndzi nyika leri.” Ndzi ku, “Xi sasekile ngopfu, ma swi vona.” [Xivati lexi xi nga riki na nchumu eka thepi—Muhleri.] Hiloko a sungula ku rila.

⁸⁵ Kunene, ndzi—ndzi ku, “Ndzi fanele hi ku ta lahwani ndzi ta ti ava hi vumina, ndzi ta eka mananga lowu.” Hiloko ndzi ehleketa, “Ndza hlamala leswaku hikokwalaho ka yini Xikwembu xi nga ndzi tisa emananga, kwalahawani ku ngari na nchumu handle ka swipame na swinghungumanis swa Gila?”

⁸⁶ A wu ngova mananga ntsena, kuva wu hisa, kambe i mananga wa ximoya. Oho, mina! Kuhava vutomi bya ximoya

eka hinkwaswo, etikerekene, va lwisana na... Hikokwalaho ka yini, a mi se tshama mi swi vona sweswo evuton'wini bya n'wina! Hi hava hambi kuri kereke yinene yo ya kona, kumbe ku ri hava nchumu. Kutani loko... Vanhu hakanyingi va lova, hi ximoya. Ndzi swi lemukile leswaku swi le ka vanhu lava va humaka kwalahaya, u vona ku hambarana loku ku nga eka vona, i ku hlalela.

⁸⁷ Nakona swingaleswi mi tshama ehansi ka Moya wa Xikwembu, kutani vutomi bya n'wina byi va lebyi byi nandzihaka, byo olova, tani hi mati loko ya tisa byanyi lebyi na swihluke leswo olova. Loko... byanyi Lebyi, lebyi nga Arizona, byi ngaka byi nga kuli; minsinya leyi yi tava minsinya yo pfumala matluka, matluka ya wona ntsena ma tava ma hahile ma ya endla swidamarheli. Hi yona ndlela leyi swi nga xiswona loko u kumeka u omile endzeni ka kereke, un'wana na un'wana u damarhela un'wana, ma swi tiva. Nakona, wa vona, mi ta fanela ku va na mamati yo chavisa ya mpfula lawa ya nga ta mi olovisa, ni ku endlela va endzeri lava va nga tava va ri karhi va hundza matluka na ndzhuti.

⁸⁸ Kutani hiloko Swin'wana swi ku eka mina, "Kumbexani u le ku pimeni ka ntirho wa Xikwembu." Swingaleswi, ndzi khongerile leswaku ndzi va na xivono.

⁸⁹ Nakona Meda ntsena a ha ku ndzi xavela Bibele leyintshwa; nakona Makwerhu—Makwerhu Brown, loyi a humaka eOhio, a ndzi xavele Bibele; havumbirhi ka vona hi nkarhi wun'we, hi Khisimus. Ndzi fambile ndzi ya kuma yin'wana ya ti Bibele letintshwa. Ndzi ku, "Hosi, emasikwini lawa ya nga hundza, a Wu ri na Urim na Thummim."

⁹⁰ Sweswi yingiselani, mi nge ndzi vula leswi. Hikuva, a va tano... leswi, a swi le ku kandziyisiweni eka nhlengeletano ley, xivangelo xa kuva ndzi vutisa... ndzi vula leswi. Mi nge ndzi ku, mi nga swi endli leswi. A hi swa kahle.

⁹¹ Kambe ndzi ku, "Hosi, swi tololvekise xisweswo, loko mulerhi a lorha norho, leswaku a va wu teka va wu yisa eka Urim Thummim, va ya wu vula kona. Nakona loko-loko Urim na Thummim yi layita malayiti hi ku hlamlula, Layiti leri ri nga ehenhla ka ntumbuluko, norho a wuri wa ntiyiso." Ndzi ku, "Kambe vuprista byebyo na Urim na Thummim yaleyo swi hundzile. Bibele ya n'wina hi yona Urim na Thummim sweswi; Hosi, a ndzi nge he swi endli leswi nakambe. Kambe ndzi Ku komberile ni kuva ni Ku khongela, leswaku u ndzi nyika xivono, vulavula na mina leswaku hikokwalaho ka yini ndzi lorhe milorho ley. Nakona ndzi endlile yini? Loko ndzi vavisile, loko ndzi endlile swin'wana eka munhu un'wana na un'wana emisaveni, ndzi pfumeleli ndzi switiva. Ndzi—ndzi—ndzi taya ndzi ya swilulamisa. Loko hi leswaku ndzi kolota Public Service Company, loko ndzi va endlile

swin'wana swo hoxeka kumbe munhu un'wana na un'wana, loko hi leswaku ndzi Ku hoxerile, ndzi tivisi. Ndzi—ndzi lava ku swi lulamisa."

⁹² A hi swi lulamiseni, sweswi. Mi nga yimeli endzhaku nyana, wu nga hava nkarhi wu nga ha ri kona. A hi swi endleni sweswi.

⁹³ Kutani ndzi ku, "Hakunene, ku na swin'wana eka Rito leri ra Xikwembu, kusuka eka Genesa ku ya fika eka Nhlavutelo, vumunhu byebyiya byo fana byi nga kwalahaya lebyi Xi nga tirhana na byona, byi tava eka tshaku rin'we laha ku nga tava kuri xivutiso xa mina. Loko un'wana a endle swin'wana, nakona—nakona U n'wi sala endzhaku ha swona, kutani ndzi pfumeleli ndzi jikela eka ndhawu yaleyo yi nga eBibeleni. Nakona loko un'wana, hambi va nga va va endlile yini, swi ta seketela ndlela ya mina. Laha ndzi nga hoxisa kona, kumbe swin'wana leswi Wena u ndzi lavaka leswaku ndzi swi endla, kumbe u nga swi endlanga, ndzi pfumeleli ndzi vona vumunhu byin'wana eBibeleni tani hi byebyo."

⁹⁴ Nakona ndzi pfarile mahlo ya mina, ntsena ndzi tshika Bibele yi wa yi pfuleka, ndzi vekela rintiho ra mina eka Tsalwa, Genesa 24:7. Eliezer, nandza wa Abraham wo tshembheka, nandza wa ximanguva lawa wa Bibele, kuva a rhumiwile ku ya hlotela Isaka mutekiwa. Gwitsi ri ndzi rhangela emahlweni. Hakunene, rero i...rero ri kahle eka Hungu ra mina hinkwaro, ku humesa Mutekiwa.

⁹⁵ A ku, "Hlambanya leswaku a wu nge teki mutekiwa loyi a humaka eka lava, kambe famba eka vanhu va ka hina."

A ku, "Ku ta humeleta yini loko wansati o ala ku vuya na mina?"

⁹⁶ A ku, "Kwalaho u tshuxekile eka nawu lowu." A ku, "Kutani Xikwembu xa Matilo xi ta rhumela Ntsumi ya Xona emahlweni ka wena, leswaku yi ku fambisa." U humile a ya ehandle a ya sungula ku khongela, kutani hiloko a hlangana na Rebekah wo saseka loyi a ngava mutekiwa wa Isaka.

⁹⁷ Ntsena Hungu leri ri hetisekeke, ku tlhelela eRitweni, "Famba u ya teka Mutekiwa yaloye!" Hi wona ntirho walowo. Hi swona ndzi nga tela swona sweswo. Sweswo hi leswi ndzi ringetaka ku swi endla, i ku vitana Mutekiwa.

⁹⁸ Tsundzukani a California lahaya, eka nkonganiso walowo wa Mutekiwa, ku kombisiwa, a ndzi ri na swona lahawani. Hilaha Mutekiwa a nga tisa xiswona ro sungula, ni ku N'wi vona loko a hundza. Kutani lahawani ku ta Miss Amerika, Miss Asia, na hinkwavo, oho, nchumu lowu wu langutekaka wu chavisa swinene! Nakona Mutekiwa ya luya a hundza hi kwalahaya nakambe. Un'we wa vona a khakha eka xitepe, nakona a ndzi ri karhi ndzi N'wi tlherisela exitepeni;

havumbirhi bya vona, a swi ri tano. Nakona sweswo hi leswi a ndzi fanerile ku swi endla, ku tlherisela Mutekiwa yaloye eka xitepe, ku hlotana na munhu yaloye.

⁹⁹ Ndzi ku, “Xikwembu, ndzi tlhelela ekaya, pfuxeta xihlambanyo xa mina xa vukati nakambe, kutani ndzi xi sungula hi vuntshwa.” Swingaleswi sweswo hi leswi hi swi kunguhataka ku swi endla, sweswo hi swona ndzi nga tela swona lahawani.

¹⁰⁰ Ndzi pfumela leswaku ku tava kuri nchumu wa kahle loko hi swi endlile leswi, hi sungula hi ra vukhume nhungu, vhiki leri ri taka, Sonto lowu wu landzelaka na mixo, Sonto lowu wu landzelaka na vusiku; na Sonto lowu landzelaka, na Sonto lowu landzelaka. I vangani lava va ehleketa leswaku ku tava kuri mhaka ya kahle xana? [Nhlengeletano yi ku, “Amen.”—Muhleri.] Ndza mi khensa.

¹⁰¹ Sweswi ndzi mi lava mi ndzi endlela swin’wana. Loko hi leswaku mi va lemukile vanhu lava—lava va nga tava kona eka nhlengeletano leyi yi nga tava kona hi ra vumakume mbirhi-nhungu, mi nga ha tlhela mi va lemukisa nakambe, leswaku a hi nge hevi na wona. Mi va byela, mi va tsalela papila, kumbe hi swin’wana. A hi lavi vanhu va ta va ta nyumisiwa, kambe a hi nge swikoti ku kuma odithoriyamu.

¹⁰² Ma swi vona, a hi ngeyi kumi. Nakona swi hikokwalaho ka kuva eka nhlengeletano yo hetelela ndzi pfumela leswaku hi vile na vanhu votala kwalahaya, na hinkwaswo, ntsena va... Ma va tiva leswaku vanhu va ta va ta nghena va kanganyisa xikolo, nakona va hatle va fika ka ha ri na nkarhi, nakona va endle *leswi*, kumbe *sweswo*, kumbe swin’wana, nakona ndhawu a yi manyanile ngopfu, nakona va rindzi va swa ndzilo va endle *leswi* na *sweswo*. Nakona, kunene, ma swi tiva.

¹⁰³ Swingaleswi hi ta tshamisia Timbita leti na Timhalamhala leti, ndzi lava ku swi nghenisa. Ndzi mi byerile leswaku ndzi ta ti endla. Ti te ti huma endzeni ka swin’wana. Swi tano na Timbita ti ta ti huma kona, ku chayiwa ka timhalamhala; kambe hi lava ku teka xivangelo xa khale hi kongomana na xona, kutani hi ti tisa, hi tiboha kun’we.

¹⁰⁴ I vangani lava va nga hlaya yin’wana ya Makwerhu Vayle, hi ku tlhela a swi tsala sweswo, niku yi lulamisa ni ku yi endla yi va xintlangu eka mina? Mi kale mi hlaya yin’wana ya kona xana? Mi na, vambirhi kumbe vanharhu va n’wina. Ndzi ehleketa leswaku u endlile ntirho wa kahle, Makwerhu Vayle, ntirho wa ntiyiso! Wena, ndzi ehleketa leswaku Sesi Vayle u swi endlile; nakona ntsena u yi tsale ehansi. A—a ri... Wa vona, a ndzo lwisana na vavasati minkarhi hinkwayo, ndzi tano, Sesi Vayle?

¹⁰⁵ Swingaleswi sweswi a hi, eka khume ntlhanu wa timinetse leti ti taka, makume mbirhi wa timinetse, hi hlaya Matsalwa lahwani.

¹⁰⁶ Nakona ndzi na xibukwana nyana lahwani. Ndzi byeriwile, ndza pfumela leswaku, a kuri Makwerhu Vayle, kumbe, a ri mani, kumbe ndza pfumela leswaku a kuri Roy Borders. Makwerhu Vayle u ndzi tisele buku. Ndzi lava ku yi endla xibukwana xo hlaya.

¹⁰⁷ Kambe loko un'wana na un'wana a tshame a languta eka leswi ndzi swi vitanaka tinotsi! Kukotisa loko ndzi lava ku chumayela hi Nyeleti ya na Mixo, ndzi ta pfapfarhuta nyeleti. Nakona loko ndzi lava ku chumayela hi swin'wana... Ndzi swi endla hinkwaswo swi va swikombiso lahwani, ku n'waya-n'waya, kuhava munhu loyi a nga ta switiva leswaku i yini. Loko ndzi humile, nakona ndzi ehleketa hi swin'wana, ndza famba, ndzi khandziya patu, nkarhi wun'wana movha wu tlulela ehenhla nale hansi, nakona ndzi ta swi tsala ehansi *leswi*, ni vula *leswi* na *sweswo*, ni endla tisayini leti tsongo, na mahanti na mabiloho, na-na swilo swa muxaka hinkwawo. Kukotisa loko ndzi lava ku chumayela hi Nyeleti leyi yi xikaka; nakona ndzi ta vekela phiramid, ndzi yi pfapfarhuta lahwani kutani ndzi vekela nyeleti ya tiyinhla ta ntlhanu ya Davida leyi yi xikelaka eka yona. Nakona ndza kutiva laha ndzi ya ka kona eMatsalweni tani hi sweswo; nakona Muxe, nchumu wun'wana lowu a nga wu endla. Ntsena u lo endla nyana minkondzo ya ganankulu, nyana.

¹⁰⁸ Ndzi na totala ta tona lahwani. Kutani ndzi ehleketa, mixo lowu, endzhaku lahaya loko ndza ha ehleketa hi ku vulavula hi nhloko-mhaka leyi ku ringana timinetse tintsongo lahwani, eka tinotsi, nkarhi wun'wana swi nga ha ndzi tekela makume mbirhi wa timinetse.

¹⁰⁹ Nakona a ndzi nge xi teki xikhongelo xa Makwerhu Neville vusiku bya namuntlha. Ndzi—ndzi—ndzi ya eku wiseni vusiku bya namuntlha, ndzi n'wi yingisela.

¹¹⁰ Nakona, loko Hosi yi swi rhandza, mixo wa Sonto lowu wu landzelaka hi ta sungula nhlengeletano. Nakona hinkwerhu ka n'wina ndzi pfuneni, nakona hi ta khongela, hikuva swi le mbilwini ya mina ku ringeta... Va teri, "Kunene, hi nga ha ya eLouisville kumbe hi nga ha rhelela eNew Albany." Kambe nhlengeletano a yi fanele yi ya va eJeffersonville. Ndzi taya eLouisville na New Albany, hi minkarhi yo hambanana, kambe leyi yi fanele kuva lahwani eJeffersonville.

¹¹¹ Sweswi a hi korhamiseni tinhloko ta hina xinkadyana loko ha ha... A ndzi ri ekuvulavuleni na n'wina lahwani kuringana kwalomu ka makume nharhu wa timinetse. A hi vulavuleni na Yena xinkadyana.

¹¹² Hosi Yesu, ha—ha hakunene hi vanhu lava hi nga kateka, kutlula hi ku ehleketa ka hina, kutlula hi ku twisia ka hina. Hikuva, loko i ngi ku na nghanakana exikarhini ka hina, tani hi munhu un'wana loyi a humaka etikweni rin'wana, kumbe mudiplomati wa maendlelo man'wana, a hi ta ehleketa leswaku swi kahle kuva na nghanakana yaleyo wa munhu exikarhini ka hina. Kambe namunlhia hi na Xikwembu xa Matilo, kungari exikarhini ka hina ntsena, kambe endzeni ka hina, ku tshamile, a hanya Vutomi bya Yena ha hina. Nakona ha khensa swinene ha leswi, Hosi! Swi hundza ku twisia ka hina, hakunene.

¹¹³ Kambe sweswi ku vulavula hi tinhlengeletano ta swikhongelo, na kuya eAfrika, na swilo leswi hi nga ringeta ku swi lulamisa eka masiku mantsongo lawa lahwani eIndiana. Nakona hi ndlela yin'wana kumbe swin'wana, Hosi, ku nga hava kuri Wena u hi byisaka eka tende lero, ku ya hetisia xivono. Swingaleswi a ku endliwe ku rhandza ka Wena, hi swi bohe hi ndlela yaleyo, hi matwisiselo ya hina yo antswa. Swingaleswi ha khongela, Hosi, loko kuri na swin'wana swi hambanaka na ku rhandza ka Wena, U ta hi tivisa swona, leswaku hi nga ha tiva ku endla ku rhandza ka Wena loku ku hetisekeke.

¹¹⁴ Sweswi hi katekisi eka timinetse leti tintsongo ti landzelaka. Vulavula na hina hi Rito ra Wena, Hosi, hikuva Rito ra Wena i Ntiyiso. Ha swi kombela hi Vito ra Yesu. Amen.

A hi pfuleni eka Bibele, eka Mark, kuavanyisa ka vu8.

¹¹⁵ Mi tala ku huma hi nkarhi muni, hi awara ya khume mbirhi xana? [Un'wana a ku, “Kwalomu ka awara ya khume mbirhi.”—Muhleri.] Hi swona. Sweswi, sweswi ntsena Hungu nyana ro komo lahwani leri ndzi nga vulavulaka hi rona na n'wina hi Rito, endzhaku ka ku nyika vumbhoni bya kuva lahaya, nakuya emahlweni.

¹¹⁶ Mark, kuavanyisa ka vu8, nakona a hi sunguleni hi kwalomu ka vhere ya vu34, ku ya fika eka ya vu38, hi ri karhi hi teka ya vu38, eka papila hinkwaro. Ndzi tsakela ku hlaya leswi Yena a nga swivula, hikuva ndza switiva leswaku swi ntiyiso. Sweswi hi...

Kute loko a vitanile vunyingi ni vadyondzisiwa va yena, a ku ka vona: Munhu, hambi a ri mani na mani, loyi a rhandzaka ku ndzi landza a titshike, a tirhwexe xihambo xa yena, kutani a ndzi landza.

Hikuva la rhandzaka ku hlayisa vutomi bya yena, u ta lahlekeriwa hi byona; . . . kambe la lahlekeriwaka hi vutomi bya yena hikwalaho ka mina ni evhangeli, u ta byi hlayisa.

Hikuva munhu, hambi a nga fuwa misava hinkwayo, kambe a lahlekeriwa hi moyo wa yena, swi ta n'wi pfuna yini ke?

Kumbe munhu a nga xava moyo wa yena ha yini ke?

Hikuva loyi a nga ni tingana hikwalaho ni marito ya mina, emahluweni ka rixaka leri ra vuoswi ni ra vadyohi, na yena, N'wana-wa-munhu u ta khomiwa hi tingana hikwalaho ka yena, siku a taka a vuya hi ku kwetsima ka Tata wa yena, swin'we ni tintsumi leto kwetsima.

¹¹⁷ Ndzi lava ku teka tsalwa nyana rintsongo kusuka kwalahaya, loko hi leswaku ri ta vitanisiwa xisweswo, ku vitaniwa: *Tingana*. Ma swi tiva, ndza swi rhandza sweswo. “Hikuva loyi a nga ni tingana hikwalaho ka Mina ni Marito ya Mina, Ndzi tava na tingana ha yena.”

¹¹⁸ Sweswi, rito *tingana* ri nga ha hundzuluxuwela eka “ku nyumisa.” Ma swi tiva, swin’wana na swin’wana leswi swi nga . . . Mi kongomane na swin’wana leswi swi nga ta mi nyumisa, mi va na tingana.

¹¹⁹ Leswaku, nchumu wun’wana kuva na tingana ha wona, i kuva swi kombisa leswaku a wu na ntiyiso eka leswi u swi vulaka. Loko a wu tiva leswi u vulavulaka hi swona, nakona u va xitsembhiso xa leswaku wa switiva leswi u vulavulaka ha swona, u nga ha byela un’wana na un’wana ha swona; a wu na tingana. Kambe loko u titwa swi ku veka ehandle, ehandle ka ndhawu, swivula leswaku a wu na ntiyiso.

¹²⁰ Mi kale mi swilemuka leswaku ku na votala namuntlha, ngopfu-ngopfu eka nhloko-mhaka leyi ndzi vulavulaka hi yona ya, “*tingana ta Rito*.” Sweswi, Yena na Rito i van’we.

Eku sunguleni Rito a ri ri kona, Rito a ri ri ni Xikwembu, kutani Rito a xi ri Xikwembu.

Kutani Rito ri endliwile nyama, ri akile xikarhi ka hina, . . . Yena wa tolo, namuntlha, ni hilaha ku nga heriki!

¹²¹ Swingaleswi, “Hikuva loyi a nga na tingana hikwalaho ka Mina na Rito ra Mina,” nakona Yena na Rito ra Yena i Van’we, swingaleswi ku va na tingana hi Rito ra Yena eka rixaka leri ra vudyoho, rixaka leri ri nga kona sweswi, “Ndzi ta va na tingana ha yena.”

¹²² Sweswi ha swi lemuka namuntlha, loko un’wana a ku, “U—u Mukreste xana?” I nchumu wun’wana wo tiveka ngopfu, u ri, “Oho, ndzi Mukreste!” Wa vona?

¹²³ “Kambe wa ri pfumela Rito ra Xikwembu xana, laha Ri nge, ‘Masingita lawa ya ta endliwa hi vona lava va pfumelaka?’”

¹²⁴ “Oho!” Ambi kuri swikandza swa vavuli va rito swi ta tshwuka. Wa vona?

¹²⁵ U na tingana hi ku, vula, ku hanyisiwa loko Kwetsima? U na tingana hi Evhangeli leyi yi hetisekeke? U na tingana

hi ntokoto wa pentekostal? Sweswo i kuva na tingana hi Rito ra Yena. Leswaku Rito ra Yena ri endlile nyama endzeni ka n'wina.

¹²⁶ Swingaleswi, Rito ra Yena ri fanele ku tihanyela rona hi Roxe eka rixaka rin'wana na rin'wana. Ri ti hanyerile rona hi Roxe emasikwini ya Muxe. Hikuva, hi siku lero, Bibebe yi teri, eka Vaheveru, kuavanyisa ka 1, "Xikwembu, xi vulavurile khale na vatatana hi minkarhi leyo tala na mikhuva leyo tala xi vulavula hi vaprofeta."

¹²⁷ Nakona vaprofeta lava! Kereke yi kumeke hinkwayo yi hundzuluxiwile loko... Vaprofeta lava, varhumiwa lava vo rhandzeka va Xikwembu, va tile va ngari na kereke, va ri hava dinominexini, va ri hava nhlangano, va ri hava nchumu; tihosи leti nga nyama, mimfumo, tikereke, na hinkwaswo. Loko vaprista va tisiwile emahlweni... Va tisiwile emahlweni ka vaprista, a va ngari na tingana, hikuva a vari na ku kongomisa ka LESWI HOSI YI SWI VULAKA.

¹²⁸ Loko mi nga swi lemuka, loko muprefeta, eka ku twakala kun'we ka rito, eka Testamente ya Khale, loko a ta vula LESWI HOSI YI SWI VULAKA, sweswi n'wi languteni, u ya a kongoma fuyerisi ya ku teka ndhawu ya Xikwembu. Mi swi lemuka, loko a tava a humesile a veka emahlweni ka yena, LESWI HOSI YI SWI VULAKA, u wele eka Xikwembu, nakona u vile na maendlelo yo tani hiloko a ri Xikwembu. Kutani a nyika Hungu ra yena, laha a kuri Xikwembu xi vulavulaka ha yena, "LESWI HOSI YI SWI VULAKA!"

¹²⁹ Ndzi ehleketa hi vaprofeta va khale, loko va ta na Hungu lero, nakona Ri nyumisile tihosи, nakona Ri endlile vanhu va titwa va nga tshamisekanga. Vaprista, hambi, loko va twa va nga tshamisekanga, hikuva a va fanele va ri varhangeri, vavanuna lava va khongelaka, nakona loko va... Rito ri humelele hi maendlelo yalawa, Ri va paluxile, nakona va titwe va nyumisiwe ngopfu, kumbe ku khomisa hi tingana.

¹³⁰ Nakona minkarhi yo tala ha swi vona sweswo, kungari votala, va ntsongo ngopfu na namunlhа! Munhu yaloye, a nge, "Ndzi Mukreste!"

"Xana u kale u amukela Moya lowo Kwetsima kusukela loko u tava u hundzukile xana?"

"Oho! Haa!" Ma swi vona, va—va nyumisiwa ha Wona.

¹³¹ Un'wana a ku, "U nghena na ntlawa lowu wu nga ehenhla lahaya lava va endlaka ku huwelela hinkwako lahaya, na maendlelo hinkwawo ya lawa ya ku hanyisiwa loko Kwetsima xana?" Minkarhi yo tala, ku tiseketela ka Vukreste.

¹³² Va lava ku tivisa leswaku, loko—loko va ri na dinominexini, sweswi, "Ndzi wa Baptist. Ndzi wa Presbyterian. Ndzi wa Lutheran." A va na tingana ha sweswo.

¹³³ Kambe loko swi ta eka kuva Mukreste loyi a nga tekaka Rito ra Xikwembu ntsena hi ndlela leyi Ri nga xiswona, kutani va—va—va va na tingana. “A ndzi wa dinominexini yo karhi,” wa vona, vona, va—va na tingana ku vula sweswo. Va fanele kufana na vunyingi bya vona bya misava, va yimela hi nhlangano wun’wana.

¹³⁴ Sweswi, ntsena sweswo swa ha ku ta eka sweswo. Emasikwini ya Luther, ku tilemuka wena hi wexe tani hi mu Lutheran kumbe mulandzeri wa Luther, kunene, minkarhi yo tala swivula rifu eka kereke ya Khatholiki. Emasikwini ya Wesley, ku tiva leswaku u nyamisile kereke ya Anglican, minkarhi yo tala a kuva xigwevo xa rifu hi ma Anglicans, ku tivisa leswaku i mu Methodist. Emasikwini ya Pentekosta, a kuri tingana, hakanyingi, ku vula leswaku a wu ri—leswaku a wuri mupentekostal, hikuva hi ku hatlisa a wu hlayeriwa kuva muvumbuluki wo kwetsima, kumbe—kumbe un’wana wa muvulavuri wa tindzimi, kumbe swin’wana swo kotisa sweswo. Sweswi va tikondleterile va tlhela va ya eka ntlawha hinkwawo.

¹³⁵ Sweswi loko ku vitana ka ku huma ku fika, leswaku a wa ha weli eka yin’wana ya ton! Swi dumile ku vula leswaku, “Ndzi mu Pentekost.” Swi dumile kuvula leswaku, “Ndzi mu Presbyterian. Lutheran.” Kambe ku humeleta yini loko swifika eka nkarhi lowu u nga ta fanela ku huma u yimela Rito, “A ndzi ngheni na yin’we ya ton?” Leswaku, sweswo swa nyumisa.

¹³⁶ Yesu u teri, “Sweswi, loko mi ri na tingana ha Mina, kutani Ndzi tava na tingana eka n’wina.” Hikokwalaho ka yini Yena a va na tingana ha n’wina? Hikuva mi koxa leswaku mi va Yena, loko mi ngari eku N’wi landzeni.

¹³⁷ Ku nga humeleta yini loko ndzi ku, “Mufana loyi, i—i jaha ra mina”; a hundzuluka a ku, “Mani, mina ndzi va jaha ra wena? U ehleketa leswaku ndzi mani!” Swi ta ndzi nyumisa. Swi tava tano, eka jaha ra wena.

¹³⁸ Kutani yaleyo hi yona ndlela ya lava va yi vitanaka Vukreste namuntlha. Loko mi yi thyile vito ra dinominexini, hi swona, va amukerile vufada bya dinominexini. Kambe loko swi fika eka ku amukela vufada bya Rito ra Xikwembu, Kreste, ee, va nyumisiwa. A va swilavi ku vula leswaku, “Ina, ndzi vulavurile hi tindzimi. Ina, ndzi vonile swivono. Ina, ndzi pfumela eka ku hanyisiwa loko Kwetsima. Ina, ndzi dzunisa Hosi. Ndzi tshuxekile eka minhlangano hinkwayo, a ndzi khinsameli na wun’we wa yona. Ndzi nandza wa Kreste.” Oho, mina, sweswo ntsena swa va handzulela va va swiphemu-phemu.

¹³⁹ Vusiku byin’wana, xipikulu xi nghanile exikarhini ka ma Full Gospel Business Men a Chicago.

¹⁴⁰ Mi nge ndzi yima kwalahawani nyana, hi ku vula leswi. Mi ndzi khomela. Kambe minkarhi yo tala ma ehleketa, na mina ndza swi endla, leswaku leswi hi vulavulaka ha swona, i Ntiyiso wa Bibele, a wu yi exikarhini ka vanhu. Kambe, Ra swi endla. Nkarhi wun'wana va ta ri sala endzhaku ku lwisana na Rona, kambe hakunene va nga ri ku swi vuleni hi ntiyiso. Va le ku ringetenka ku kuma laha mi nga yima kona.

¹⁴¹ Kukotisa xitorhi xa ntlawa wa swidakwa, va ri karhi va pikizana hi leswaku kuhava xi xexo va nge i Vukreste. Munhu un'wana u teri, "Ndzi tiva laha un'wana a nga kona, yaloye a ri nsati wa mina."

A ku, "Kunene, a ndzi—ndzi swi pfumeli."

A ku, "Tana kahle, kunene... hinkwerhu a hi veneni na maendlelo yo tani hiloko hi pyopyiwe ngopfu."

¹⁴² Va ya nghena endlwini, va fika va endla hinkwaswo leswi va nga swi kotaka. Ni—ni kuva va va byela leswaku va va swekela mandza, nakona hiloko a ma cukumetela ehandle ehansi, a ku, "U tiva ku antswa kutlula ku ndzi swekela mandza ya mina hi ndlela yaleyo!" Va ya emahlweni endlwini. Nakona va hetelele hi kuya eka kamara rin'wana, va fika va wela exitulwini. Va twe un'wana halahaya a ri karhi a ya kukula, a ngari ku vuleni na rito, a ku, a ri karhi a ti yimbelelela xinsin'wana xa yena.

Yesu a boheke ku rhwala xihambano a ri
yexe,

Misava hinkwayo yi famba yi tshuxekile?

Xi kona xihambano xa un'wana na un'wana,

Nakona xi kona xihambano xa mina.

Nakona xihambano lexi xi tinekeleke ndzi
ta xi rhwala,

Ku fikela laha rifu ri ndzi tshuxaka,

Kutani ndzi ya ekaya ndzi ya ambala harhi.

¹⁴³ Un'wana wa mipyopyiwa wa khale a ku, "Ndzi ku byele yini?" A ku, "Hi yena Mukreste!" Wa vona, ntsena a vo va eku n'wi ringeni. Nakona minkarhi yin'wana misava, ndzi swi kumile leswaku, ya mi ringa.

¹⁴⁴ Swingaleswi a ndzi kalanga ndzi swi ehleketa leswaku leswi swi nga humelela, kambe vusiku bya Muqhivela lowu wu nga hundza, ndza pfumela leswaku a kuri wona, kumbe vusiku bya Sonto, xipikara lexikulu... a ndzi swi tsakeli ku vula mavito ya vanhu. Kambe u le ku ringetenka, a tirha hi ku hambana. Ndzi le ku ringetenka ku endla leswaku tikereke ta vona ti huma eka mpfhumba lero ra "ecumenical," nakona munhu loyi u le ku ringetenka ku va nghenisa kwalahaya. Swingaleswi, a vulavula hi ma Christian Business Men. Laha, a ndzi fanele ndzi vile na nhleneletano eChicago, nakona a ndzi

ehleketa leswaku ndzi tava ndzi ri eAfrika hinkarhi walowo, swingaleswi a ndzi nga ta swi kota ku swi teka. Munhu loyi u teri, a tlakuka lahaya a ku, “Mpfhumba lerikulu swinene, nchumu lowukulu swinene emisaveni sweswi, lowu wu nga tshama wu va kona; tikereke hinkwato ti tlhelela endzhaku eka kereke ya Khatholiki, eka mpfhumba ra “ecumenical”, nakona Makhatholiki ma ta amukela Moya lowo Kwetsima.” I xitlhaka xa njhani xa Javulosi!

¹⁴⁵ Nakona murhangeri loyi, Makwerhu Shakarian, presidente wa International Business Men, u tlakukile a yima a ku, endzhaku kaloko munhu a tava a tshamile ehansi, a ku, “Yaleyo a hi yona ndlela leyi hi nga swi twisa xiswona.” A ku, “Makwerhu Branham u hi byerile, leswaku, ‘Mpfhumba leri ra “ecumenical” ri ta va fambisa hinkwavo ri va yisa eka mfungho wa xivandzani.” Nakona munhu loyi a tshamile eka platifomo. A ku, “Ndzi ta yi fambisa ndzi yi yisa eka mfungho wa xivandzani.” Kutani a ku, “Hi korhamele ku swi pfumela eka leswi a swi vulaka leswaku i Ntiyiso.” [Un’wana eka nhlegetano a ku, “Amen! Swingaleswi hi tano!”—Muhleri.] Hiloko a ku, “I vangani va n’wina mi tsakelaka ku twa Makwerhu Branham leswaku a ta a ta mi nyika hi tlhelo ra ntiyiso ra swona? Yimani.” Nakona ku vile na ntlanu wa magidi na swin’wana wa vanhu. Va huwelerile vatlhela va rila, ntsena leswaku ndzi ta siku rin’we, siku rin’we.

¹⁴⁶ Makwerhu Carl Williams u ndzi vitanile, a ku, “Makwerhu Branham, jaha, ndzi huma eka ntshungu walowo,” a ku, “va na swijumba swa tibili ta dzana ra tidolara ti nga emavokweni ya mina, leswaku ndzi ku kumela thikithi ra xihaha-mpfhuka lahaya, u tlhela u vuya.” Wa vona, ntsena ku ringana siku rin’we!

¹⁴⁷ Wa vona, vanhu lava, Rito lero ri nwelela laha nkarhi wun’wana hi nga switiviki. Wa vona? Kambe, wa vona, loko hakunene... Swingari na mhaka ni leswaku misava yi lwisana na Rona ku fika kwihi, tidinominexini ti lwisana na Rona kufika kwihi, Xikwembu xa Ri khorwisa leswaku ri Ntiyiso. Loko awara leyikulu ekuheteleleni yi ta ba, swilo swi ta humeleta nkarhi wun’wana hi nga ehleketa ha swona.

¹⁴⁸ Ina, swi kombisa leswaku a wu na ntiyiso, loko u nyumisiwile, swingaleswi swi nga antswa u nga vulavuli ha yona nhloko-mhaka leyi. Loko hi leswaku yi ta ku khomisa tingana, a wu nge swilavi ku vulavula hi yona; yi tlheriseli endzhaku.

¹⁴⁹ Kambe swi nga endlekisa ku yini leswaku munhu loyi a nga tatiwa hi Moya lowo Kwetsima, swi nga endlekisa ku yini leswaku munhu loyi a nga tala hi Matimba ya Xikwembu, na rirhandzu ra Xikwembu embilwini ya yena, a vulavula na munhu timinetse tintsongo nakona a nga vuli

swin'wana hi rirhandzu leri ri nga embilwini ya yena? Wa vona, kuna swin'wana leswi swi—swi humelelaka; a wu nge swikoti ku swi endla.

¹⁵⁰ Leswi i ku, kutava kuri siku lero ro biha leri Yesu a vulavula hi rona. Vanhu va na tingana hi Rito na hi Moya wa Xikwembu lowu wu tirhaka endzeni ka vona. Kambe loko Ntiyiso wu vekiwile erivaleni evanhwini, kutani Xikwembu, xona hi Xoxe, xa tipaluxa xona N'winyi hi Rito.

¹⁵¹ Sweswi, munhu un'wana na un'wana a nga ha endla minkoxo ya muxaka wihi kumbe wihi. Nakona hi vile na kona eka masiku lawa, laha ku nga na minkoxo yo tala leyi yi nga koxiwa, sweswo a swi chavisa ngopfu. Kambe, ma swi vona, loko hi leswaku kuna Ntiyiso, wu boheka kuva hi Rito. Hikuva, va vula leswaku a vari na swilo hinkwaswo swa muxakaxaka, swa mafurha lawa a ya khuluka evanhwini, na ngati leyi a yi huma emavokweni ya vona, na vavasati va ri endzhaku ka vona eka ngati leyi, ni kuva yi khulukela ehansi eka tintanghu ta vona, na ku tlakusa tintanghu ta vona va chulula mafurha, kutani swidula swi thamuka swi huma swi tlula-tlulela ehansi eka platifomo, na muxaka wa swilo swo fana na sweswo. Ku hava swilo swa muxaka walowo a Bibeleni. Ku hava xitshembhiso xa muhlovo wo kotisa walowo, a Bibeleni. Ntsena, Yi teri, “Emasikwini yo hetelela, moya wu tava wu ri ekusuhi swinene laha wu nga ta hambukisa na vona Vahlawuriwa loko swi nga koteka.” Kambe ku hava Matsalwa ya sweswo.

¹⁵² Kambe loko swi ta eka ra xiviri, Rito ra Xikwembu leri ri nga hungukiwangiki, ri nga tiyisisa hi Xikwembu, Ri tikomba ra ha nyumisa ntlawa lowun'wana, eka tlhelo lerin'wana ra rimintsu. Wa vona, ku na ku nyumisiwa ha Rona.

¹⁵³ Kambe Ra hanya eka wanuna kumbe wansati, jaha kumbe nhwana, loyi hakunene a nga Mukreste wa xiviri. Loko Xikwembu xi endlile xitshembhiso xa Moya lowo Kwetsima, nakona u Wu amukela, ku na Swin'wana leswi swi tshamisekaka endzeni ka n'wina, leswaku kuhava lexi xi tekaka ndhawu ya Rona. Loko munhu a tshame a hlangana na Xikwembu; kungari eka ntirho wun'wana wa nyanyuko, vuhibeki byin'wana, kumbe dyondzo yin'wana ya vukhongeri, khatachizimi kumbe mukhuva wun'wana, kumbe nawu wa kereke lowu a nga wu amukela leswaku kuva ku Chavezeleka ka—ka yena, kambe loko a ta fika endhawini hakunene kukotisa Muxe a swi endlake, etlhelo ka mananga, u fambile a kongomana na Xikwembu xa Matimba hinkwawo hi nghohe hi nghohe, nakona ma rivona Rito ri vulavulaka na n'wina, hakunene na Rito xikan'we na xitshembhiso xa awara, ku na swin'wana Ri swi endlaka eka n'wina! Wa vona, a mi na tingana ha Rona, Ri mi endlaka swin'wana. Sweswi, a hi languteni sweswi, ntsena eka timinetse ta khume ntlhanu leti ti landzelaka.

¹⁵⁴ Ku na vanhu van'wana lava va nga amukela ntokoto wo kotisa walowo. Nakona tani hiloko ndzi vulavula na n'wina namuntlha, kungari tani hi kereke kumbe tani hi dinominexini, ndzi vulavula na n'wina tani ha un'we-un'we; kungari hi leswaku mi tile lahwani eTabernakeleni leyi, hikwalaho ka kuva ndzi mi rhandza na n'wina ma ndzi rhandza, kungari ha swona sweswo. Mi nge ndzi vulavula na n'wina tani hi leswi swi hundzaka swi faka, leswaku siku rin'wana mi ta fanela ku fika emakumu ya vutomi lebyi. Nakona swi nga endleka ndzi ngavi kona, na muchumayeri un'wana a ngevi kona. Kambe ku na Un'we ntsena Loyi a nga ta hlangana na wena lahaya, nakona yaloye i Xikwembu. Nakona ma—ma Xi yingisela, nakona kungari hi leswaku “nsati wa mina i Mukreste wa kahle” kumbe—kumbe “nuna wa mina i Mukreste wa kahle,” kambe, “Xana ndzi kahle na Xikwembu xana? Xana ndzi tshame ndzi hlangana na Xikwembu hi ndlela ya leyo xana?” Kungari hi leswaku “mufundhisi wa mina u hlanganile na Xikwembu,” kumbe hikuva “mudiyakoni wa mina a hlanganile na Xikwembu,” kambe, “Xana ndzi hlanganile na Xona xana?” Kungari hi leswaku “Ndzi huwelerile,” kungari hi leswaku “Ndzi vulavurile hi tindzimi,” kambe hikuva, “Ndzi hlanganile na Xona tani hi Munhu!” Kutani a wu nge khomiwi hi tingana ha Sweswo, ku na Swin'wana leswi swi nga hetiseka swi tlhela swi va leswi tengke, swi va ntiyiso.

¹⁵⁵ Nakona tsundzukani, mi nga ha hlangana na moya lowu wu nga vaka na maendlelo yo kotisa ya Xikwembu. Mi nga ha hlangana na moya, wu endla *leswi*, *sweswo*, kumbe *swin'wana*; wu saleni hi le ndzhaku nyana mi vona loko mi wu pimanisa na Rito ra Xikwembu. Mi nga ha hlangana na moya lowu wu nga ta mi byela leswaku mi ponisiwile, wu tlhela wu mi nyika matwele lawa ya kwetsimaka, nakona mi ta huwelela mi tlhela mi tlhava-mukhos; kambe loko wu ta eka ku ala Rito, swi nga endlekisa ku yini leswaku Moya lowo Kwetsima, lowu wu nga tsala Rito, wu tlhela wu ala Rito leri ri nga Ra wona N'winyi xana? Moya walowo wu boheka ku hikahata xitshembhiso xin'wana na xin'wana xa Xikwembu hi “amen”! Loko swi ngari tano, swivula leswaku a wu se hlangana na Xikwembu, u hlangane na moya wa vuxisi. Nakona misava yi tele hi wona namuntlha!

¹⁵⁶ Kambe loko mi vona Xikwembu xi xikela ehansi xi ta endla xitatimente, leswaku Xi ya endla *swin'wana*, nakona xi vuya xi ta swi endla *sweswo*, nkarhi wun'wana na wun'wana na wun'wana, kutani u na Moya wa xiviri wa Xikwembu.

¹⁵⁷ Swi nga endlekisa ku yini leswaku Moya wu va eka munhu, Moya lowo Kwetsima lowu wu nga tsala Bibele, wu tlhela wu hundzuluka wu ala wu ku, “Sweswo a hi swona, Sweswo a swi ri swa siku rin'wana”?

¹⁵⁸ U teri, “Xitshembhiso xi le ka n’wina, nale ka vana va n’wina, na vona lava va nga ekule na swona, tani hi votala lava Hosi Xikwembu xa hina xi nga ta va vitana.” Yaleyo i Mintirho 2:38. Swi nga endlekisa ku yini leswaku moyo wu amukela swin’wana na swin’wana leswi swi nga hambana eka Sweswo, nakona wu va wa ha ri wa Xikwembu, loko Vaheveru 13:8 yi teri, “Yesu Kreste wa ha ri yena wa tolo, namunthla, ni hilaha ku nga heriki”?

¹⁵⁹ Ku nga humelela yini loko un’wana a ku, “Oho, ndzi pfumela leswaku Yena a ri mufilosofa. A ri munhu wa kahle. A ri muprofeta. Kambe tani hilaha matimba ya Yena . . .”

¹⁶⁰ Vusiku byin’wana a ndzi ri ekuvulavuleni na George Smith, jaha leri a ri famba na nhwana wa mina, Rebekah; n’wana wa kahle, u yimbelerile lahawani a Tabernakeleni. Jaha ra Baptist loyi ntsena a nga teka, a vula leswaku, “Susa vito ra mina eka nchumu walowo! Ndzi hava lexi ndzi nga xi endlaka ha swona.” Nakona a kuri na manana lontsongo . . . A va ri na khonferense, eka kereke leyi yin’wana ya Baptist, ehenhla eswigangeni.

¹⁶¹ Nakona—nakona a va lwisana na mina hakunene, hinkwavo ka vona kwalahaya, nakona hi leswi swi ngariki . . . A va ri hava leswi a va lwisana na mina ha swona; swi lwisana na Rito leri. Mina, tani hi munhu, va ngaka va nga vuli nchumu leswi swi lwisana na mina, a ndzi kalanga ndzi va vavisa. Kambe Sweswo hi leswi va swi chavaka. Wa vona? Sweswi a hi . . .

¹⁶² A vari na nhlengeletano leyi lahaya, kumbexani, nakona va twile leswaku, va tava na mumixinari loyi a nga ta teka vusiku byi nharhu bya khonferense leyi leyikulu, ehenhla eswigangeni laha ku nga hola. U kumeke a va kona, mumixinari loyi u tlakukile a ta eka Mark 16, nakona a ku, “Kuna vanhu votala namunthla lava va nga pfumeriki eka ku hanyisiwa loko Kwetsima.” A ku, “A ndzi ri eIndia. Ndzi Mukula. Nakona a ndzi ri eIndia loko munhu wa lahawani eUnited States, hi vito ra Makwerhu Branham, a ta.” Mufundhisi a sungula ku famba a ya emahlweni. A ku, “Nsati wa mina u le ku feni hi mfukuzani. A ndzi ri bofu,” kumbe swin’wana swo kotisa sweswo. “U khongelerile un’wana wa hina, nakona loyi un’wana u n’wi vitanile a ri entshungwini, a nga ri tivi hambi ku ri ku ri tiva ririmbi ra yena, kutani a vulavula hi Matimba ya Xikwembu.” A ku, “Hi tile, hi hanyisiwile!” Kunene, va ringetile ku n’wi miyeta. Va hlulekile ku swi endla. Kwalaho, wa vona, eka khonferense leyi yi nga ya vona.

¹⁶³ Nakona a va alana hambi kuri ku alana na swin’wana na swin’wana. Nakona vanhu van’wana, hambi ku ri . . . sesi loyi wa jaha leri, vona va ri ehansi, va ri hava ni lexi va nga xivulaka. A va lava kutiva loko hi leswaku a nga tihlanganisaka, hi ndlela yin’wana va nga ha rhelela va ya lavisisa.

Un’wana wa vamanana lava u teri, “Kunene, ndza swi pfumela.”

¹⁶⁴ Rebekah na George va yile ku ya vona manana loyi. Nakona u yile a ya kuma nhwenyana loyi a xanisiwa hi—hi... muxaka wo nanayila, nyana. Swingaleswi va ndzi lavile leswaku ndzi ta vona nhwenyana loyi, vusiku byi n'wana. Nakona ndzi yile kwalahaya, manana lontsongo a tshamile kwalahaya, kutani ndzi ku, “U mu pfumeri xana?”

¹⁶⁵ A ku, “Ee, a ndzi switivi loko ndzi ri yena kumbe ndzi nga ri yena.” Kunene, a nga nanayili; ntsena a ri na moyo wa javulosi. A va kalanga va swi tekela enhlokweni. Wa vona, swi tekelela n'wina, nakona a mi switivi. Loko Ri ta, kutani vukarhi byi hlula munhu, nakona a va switivi.

¹⁶⁶ Vavasati lava va famba-fambaka lahawani exitarateni, va ambale swo koma, a va swi lemuki. Va nga hava tano, va nga ha khorwisa ni ku hlambanya eka swona, leswaku kuhava xo biha lexi xi lwisanaka na vavanuna va vona, kumbe ku ya emahlweni, tani hi sweswo. Kambe etimbilwini ta vona, a va swi lemuki, kambe moyo wa Javulosi wu va tekile. Va fumiwa hi wona. Hikokwalaho ka yini wansati a lava ku hluvula swiambalo swa yena, swi suka emahlweni ka wanuna? Kova na munhu un'we ntsena loyi a nga swi endla, eBibeleni, nakona avari va tinhlanyi. Van'wana va ringeta ku tifunengeta hi vox; a va swi lemukanga. Swi na mano, swa vutlharhi! Mi fanele ku tivonela, tipimeni hi n'wexe na Rito ra Xikwembu, kutani mi vona laha mi nga yima kona.

¹⁶⁷ Manana loyi lontsongo u teri, “Oho, va ndzi byelete leswaku ndzi khuvuriwile loko ndza ha ri n'wana.” Ndzi ku, “A ndzi switivi leswaku hambi ndzi nga swi pfumela sweswo kumbe ndzi nga swi pfumeli.”

Ndzi ku, “A wu pfumeli eka Yesu Kreste xana?”

¹⁶⁸ Kutani a ku, “Kunene, a ndzi switivi loko ndzi pfumela ni loko ndzi nga pfumeli.” U teri, “Swin'wana swa sweswo swo va maendlelo ya vunwa, a ndzi ya pfumeri.”

¹⁶⁹ Ndzi ku, “Kunene, hakunene, a wu pfumeli maendlelo ya vunwa.” Ndzi ku, “Kambe wa pfumela leswaku Yena i N'wana wa Xikwembu xana?”

“Oho,” a ku, “A nga hava tano.”

¹⁷⁰ Ndzi ku, kutani ndzi ku, “Wa pfumela leswaku wa ha ri Yena tolo, Xikwembu lexi xi nga ku ponisaka xana?”

¹⁷¹ Wansati a ku, “Xana kuna swin'wana swa sweswo swa leswaku ku na mahlori na maendlelo yo kotisa yalawa xana? A ndzi pfumeli nchumu ha swona.”

¹⁷² Kutani ndzi ku, “A wu ta endla yini loko a wu tshame eka nhlengeletano u vona Xikwembu, xi nga Moya lowo Kwetsima, lowu wu nga Xikwembu ntsena lahaya, xi tirhaka exikarhini ka vanhu; Xikwembu lexi xi nga eka Vutatana, xi nga Langavi ra Ndzilo, na vaprofeta; Xikwembu lexi xi nga

endzeni ka N'wana wa Xona; kutani xi va Xikwembu lexi xi nga endzeni ka vanhu va Xona? Xo va ntsena swibyi swa Xikwembu, Xikwembu xin'we lexikulu Lexi xi funengetaka laha ku nga riki na ku Hela." Ndzi ku, "Xana u nga vona yini loko Xona, xi ri exikarhi ka vanhu va Xona, xi endla mabofu leswaku ma—ma vona, lava va nga twiki va twa, xi languta eka ntshungu xi byela vanhu leswi swi nga hoxeka hi vona, tani hilaha Xi swi endleke loko Xa ha ri lahawani emisaveni?"

Wansati a ku, "Ndzi pfumela leswaku ku tava kuri ku kambela eka xibakabaka."

¹⁷³ Ndzi ku, "U le ka xiyimo lexi xi nyanyeke kutlula hilaha a ndzi ehleketa leswaku u tano. A wu tava u antswa loko a wu ti pengela, wa vona, a wu nga ta kala u hlayiwa." Kambe ndzi ku, "Ntsena u hlaseriwa hi moyo wo biha." Ndzi ku, "Loko Yesu a tava a byerile wansati exihlobyeni hi vavanuna va yena, loko Yena a tava a langutile ehenhleni ka vanhu ni ku hlaya miehleketo ya vona, xana sweswo u nga ha swi vitana ku kambela kale xibakabakeni xana?" Wa vona, ntsena kuva u tifunengeta hi dinominexini, leyi yi vitaniwaka Lutheran, leswaku xin'wana na xin'wana lexi xi hambanaka na yona kutava kuri leswi swi nga hoxeka!

¹⁷⁴ Sweswi Xikwembu xi lava munhu loyi a nga tifunengeta hi Rito. Xin'wana na xin'wana lexi xi hambanaka na Rona xi hoxekile! Yesu u teri, "Mi nge rito rin'wana na rin'wana ra munhu ri va vunwa, kambe ra Mina ri va Ntiyiso."

¹⁷⁵ A kuri na munhu eka nguva ya leyi yo fana ya xisayense, hi vito ra Nowa. A ngari na tingana hi Rito ra Xikwembu. Xikwembu xi hlanganile na yena, kutani Xi vulavula na yena. A switiva leswaku a xi ri Xikwembu. Kutani Xi ku, "Yi ya ekuneni!" A ku nga se tshama kuva na mpfula, kambe u pfumerile leswaku yi ta na. Nakona ripfumelo Ieri a ri na rona, a ngari na tingana hi ku ti toloveta rona. U tekile dzana na makume mbirhi wa malembe yo aka ngalava, loko misava ya ha lwisana na yena. A ngari na tingana hi Rito ra Xikwembu, hi siku ra yena. Xikwembu xi n'wi ponisile yena na ndyangu wa yena, ha swona. A kuri... Swi nga languteka swi mphutisa njhani eka vanhu van'wana; kambe, eka yena, u hlanganile na Xikwembu. Swi ngari na mhaka leswaku lavan'wana i va xisayense njhani, sweswo a swi hambanile, hilaha swi nga vuriwa hakona leswaku "swi ngaka swi nga endleki, swi ngaka swi nga endleki," u hlanganile na Xikwembu!

¹⁷⁶ Sweswo hi leswi swi nga xiswona loko u switiva leswaku u vulavula na Xona! U nga ha ehleketa leswaku i swa vumphuta loko un'wana... Loko, ndza switiva leswaku kuna vanhu vantsongo emisaveni va khomelelaka eka leswi ndzi swivulaka leswaku swi Ntiyiso. Ku yima lahawani ni ku vula, "LESWI HOSI YI SWI VULAKA, ndzi ya eArizona, kwalahaya ndzi

ta hlangana na Tintsumi ta nkombo ti ri eka ntlawa wun'we," kunene, a kuri na ntlawa wa vavanuna lava a va yimile lahaya ku swi vona loko swi humeleta. Vusiku byin'wana, ti vule leswaku, "Los Angeles ri ta wela elwandle." Kambe loko u hlanganile na Xikwembu, nakona Xikwembu Lexi xi nga hlulekiki, Xikwembu Lexi xi endlaka hilaha Xi nga vula hakona leswaku Xi ta swi endla, minkarhi hinkwayo Xa swi endla, a wu na tingana ha swona kwalaho. A wu fanelanga ku tlhelela endzhaku u ya nyumisiwa ha swona; u nga ha byela misava hinkwayo. Loko munhu a hlangana na Xikwembu, a vulavula na Xona, nakona ku vonakala ka Xikwembu ka mampela kuva ka yena embilwini ya yena, a nga na tingana ha Xona.

¹⁷⁷ Nowa a ngari na tingana. A swi languteka kuri vuhungiki eka misava hinkwayo, kambe kungari eka yena.

¹⁷⁸ Muxe, loko a ri emahlweni ka Faro, a ngari na tingana ku byela Faro leswaku swin'wana swi ta humeleta, hikuva a hlanganile na Xikwembu. Xikwembu xi n'wi byerile, xi ri eka xihlahla lexi xi pfurhaka. Muxe u teri, "Ndzi—ndzi na manghanghamelo." Sweswo hi leswi a ri na swona, ku tsemeleleka ka marito loko a vulavula.

¹⁷⁹ Xi ku, "Hi luya Aroni a taka. Wena u tava Xikwembu eka yena, kutani yena a va muprofeta eka wena. Ndza switiva leswaku u vulavula kahle. Kambe Ndzi tava na nomu wa wena. I mani loyi a nga endla munhu leswaku a vulavula xana?" Amen. Ndza swi rhandza sweswo. Xexo i Xikwembu. "I mani loyi a nga endla munhu leswaku a nga koti ku twa kumbe ku vulavula, kumbe i mani loyi a nga endla munhu leswaku a vulavula xana?" I Xikwembu xi nga swi endla.

U teri, "Hosi, ndzi kombe ku kwetsima ka Wena."

Xi ku, "I ncini lexi u nga xikhoma evokweni ra wena xana?"

A ku, "I nhonga."

¹⁸⁰ Xi ku, "Yi cukumeti ehansi," yi hundzuka nyoka. Xi ku, "Tlhela u yi khoma nakambe," yi tlhela yi va nhonga nakambe. Amen. Hi Xona Xikwembu. "Hoxa voko ra wena etsheveni." A ri hoxa, ri humesi, a ri basile hi nhlokonho. Xi ku, "Ri humesi u ri vuyisela endzhaku," nakona a ri kotisa voko lerin'wana. "Ndzi Xikwembu."

¹⁸¹ Hiloko a ya emahlweni ka Faro a ya vula leswi Xi nga teri a swivula. Xi ku, "Ku tava na *leswi* na *leswi*." Rhwalela misava u yi hoxa emoyeni, i ku, "HI LESWI HOSI YI SWI VULAKA, tinhwala a ti te ehenhleni ka misava," hiloko tinhwala tiva kona. Kana mati u ma chela enambyeni, i ku, "HI LESWI HOSI YI SWI VULAKA," kutani nambu hinkwawo na hinkwaswo swi hundzuka ngati. A vitana xihangu xi xika kusuka etilwени.

¹⁸² Ma swi tiva, emasikwini ya makumu ku fanele kuva na mindzhukano ya vona yi tlhela yi vuya nakambe. Nakona tsundzukani, muoswi, hi nkarhi wa Bibele, xigwevo xa yena akuri rifu hi ku khandliwa hi maribye. Na kereke leyi yi nga pfumeriki yi ta khandliwa hi maribye yi fa, hi maribye ya xihangu, yi tshame yi va ndlela ya Xikwembu yo xupula. Xi ta khandla misava leyi yi nga pfumeriki hi maribye, rixaka leri ra vuoswi. Xi ta ri khandla hi maribye xi ri etilweni, hi maribye ya xihangu lawa ya tikaka xiphemu xa talenta, laha ku nga dzana ra tiphawundi. Kereke ya muoswi yi ta fa, misava ya muoswi yi ta fa ehansi ka ku xupuriwa hi Xikwembu, hi ku khandliwa hi maribye, tani hilaha Xi swi endleke emasungulen. Lulamani na Xikwembu, kereke! Sweswo hi leswi hinkwerhu hi bohekaka ku swi endla, tlhelelani eka Xikwembu!

¹⁸³ Xikandza xexo xa khale lexi xi nga katingeka, malebvu ya timpfi, nhloko ya mpandla, mavoko lawa ya nga sala marhambu, Eliya wa khale wa makume nhungu wa malembe hi vukhale a tshamile lahaya emananga, a langutile ehenhleni ka vudyoho bya vanhu. Xikwembu xi vulavurile na yena mixo wun'wana, xi ku, "Rhelela u ya lahaya u ya byela Akab leswaku hambi kuri mberha leyi yi humaka etilweni yi ngaka yi ngavi kona kufikela laha wena u yi vitanaka."

¹⁸⁴ Ndzi nga ha swivona swimahlwani swa yena swa khale swi langutile ehandle eka malangutele ya lawa yo oxeka na malebvu yo basa, nhonga yaleyo evokweni ra yena, a ri karhi a famba a patwini tani hi jaha ra khume ntsevu wa malembe hi vukhale. A famba evukoneni bya hosi, a ku, "A ku ngevi hambi kuri mberha leyi yi nga ta ta hi le tilweni ku kondza ndzi yi vitana." A ngari na tingana hi Xikwembu kumbe Rito ra Xona; ku byela hosi kumbe un'wana. A ngari na tingana. A nga fanelanga ku tumbela, a ku, "Sweswi, Akab, u tava..."

¹⁸⁵ Swi ndzi fikisa eka miehleketo ya swin'wana kukotisa hina. Kutani ndzi teri eka vanhu, "Ndzi fika endhawini laha, ndzi lavaka ripfumelo ro tala." Sweswo hi swona swi endlaka ndzi va ekaya sweswi i kuva ndzi kuma ripfumelo lerintshwa leri ri-ri pfurhaka.

¹⁸⁶ Swi fanele swi va tano, swi languteka tano, loko u khongeleta vanhu, u kombela ku khomeriwa eka, "Nkulukumba Javulosi, ndzi kombela leswaku u suka u ndzi pfumelela...?" Kuhava! Ripfumelo ri na tinhlampfana, na ringhala exifiveni xa rona. Loko ri vulavula, hinkwaswo swa miyela. U nga ngheni, "Nkulukumba Javulosi, wena huma?"

¹⁸⁷ "Huma lahawani! Ndzi n'wana wa Xikwembu, loyi a nga lerisa hi Xikwembu. Va tshike va ri voxé!" Sweswo swa susa. A wu kali u tisola eka Javulosi, kuhava lexi u nga xi endlaka

na yena. A ngavi na tingana hi Rito ra Xikwembu, u ngavi na tingana hi leswi u nga lerisiwa swona, u ngavi na tingana hi leswi wena u nga xiswona.

¹⁸⁸ Tingana leti mina ndzi nga na tona, i kuva ndzi ri wa ka Branham, kwalaho i ku tswariwa ka mina kale misaveni. Ndzi na tingana hi ku tsandzeka ka mina.

¹⁸⁹ Kambe tani hi nandza wa Xona, a ndzi na tingana! A ndzi na tingana hi Rito ra Xona. Hambi i tidinominexini, tihiyi, vamatimba, kumbe kungava kuri mani kumbe mani; ntsena ndzi ti lulamiserile ku nyika nhlamulo, Xikwembu xi swi vitanile.

¹⁹⁰ Muxe u yile emahlweni ka Faro. A nga va nga na tingana ku n'wi byela leswaku va ngaka va nga xaveleli ni kuva a teka masiku *yo tala* ya yena a ri emananga.

U teri, “Van’wana va vavasati va sala, hikokwalaho ka vana va vona.”

¹⁹¹ A ku, “Hinkwerhu ha famba! Kuhava na xinondwana na xin’we xi nga ta sala, hi ta khayima tihomu ta hina na hinkwaswo.” A ngari na tingana. Hikokwalaho ka yini? U tile eKuvonakaleni ka ku ponisiwa.

¹⁹² Hi xona xivangelo xa kuva wanuna kumbe wansati, a vabya kumbe swin’wana, loko u kala u ta eVukoneni bya Xikwembu, nakona u ri karhi u switiva leswaku Xikwembu xi va hanyisile, u tlhava goza ro nghena eKuvonakaleni ka ku ponisiwa. A wu kali u xavelela ha nchumu.

¹⁹³ Ku kutsula a kuri embilwini ya yena, hikuva u hlanganile na Xikwembu Lexi xi nge teri, “Hi Mina Xikwembu xa Abraham, Lexi xi nga nyika Abraham xitshembhiso. Na nkarhi, nkarhi wo kutsula, wa ku ntshuxa, wu fikile. Ndzi ku rhuma kwalahaya ku ya va humesa.” U nga kombela ku khomeriwa ha yini, eka sweswo?

¹⁹⁴ Faro a tava a n'wi dlayile. A ri munhu ntsena. A ri hlonga. A tava a n'wi dlayile. Kambe a ngari na tingana hi Rito. A nga kalanga a khinsama hi matsolo ya yena a kombela Faro eka leswi swi nga riki nchumu. U teri, “Ndzi ta eku va tekeni.”

Faro u teri, “Kunene, u ngaka u nga va teki!”

¹⁹⁵ U teri, “Hi swona, swingaleswi ku tava na tinhwala ehenhleni ka misava, kufikela laha u nga ta ti swikita.” Kutani kwalahaya hi leswi swi nga humelela.

A ku, “Oho, Muxe, va teki u famba na vona!”

A ku, “Hi swona. Sweswi wa hundzuka xana?”

A ku, “Kunene, u nga ha famba masiku *yo tala* u ri emananga.”

¹⁹⁶ A ku, “Kutani tinhwala ti ta ta.” Amen. A ku, “Munyama wu tata.” Wu tava wu ri munyama lowu u nga taka u nga swikoti ku vona ndhawu yin’wana.

¹⁹⁷ Nakona ekuheteleleni rifu ri nghena. Kusukela eka Faro ku ya eka nandza, a ri ri rifu ra vana va matevula endyangwini. A wu fanelanga u tisola emunhwini. A ri n'wana wa Abraham, loyi a nga tswariwa eMoyeni wa Xikwembu, a nyikiwa xileriso hi Xikwembu, ku nga Hungu ra Xikwembu, ku rhelela ehansi ku ya humesa vanhu lava.

¹⁹⁸ Kunene, xana Xikwembu a xi nge vitani swo fana eka awara leyi xana, ku ta humesa kereke ya Mutekiwa? [Nhlengelatano yi ku, "Amen."—Muhleri.] Daniel a nga ri tano, kumbe...

¹⁹⁹ Davida, kumbexana, a nga chavi emahlweni ka Saul. Loko un'wana na un'wana a ha chava Goliyadi kwalahaya, a nga chavi ku ya. Kutani a ku, "Nandza wa wena..." Nakulorhi lontsongo wo languteka a soholokile u teri, "Nandza wa wena loko a ri ekubyiseni ka tinyimpfu ta tata wa yena, kutani xinkankanka xi nghena xi fika xi khoma yin'we ya tona. Ndzi yi hlongorisile emananga ndzi yi dlaya, hi xipelupelu lexi. Loko nghala yi fika." Oho, mina! "Loko nghala yi fika yi khoma yin'we ya tona, kutani yi tsutsuma emananga, kutani ndzi yi be yi wela hansi hi xipelupelu. Loko yi pfuka ndzi yi dlaya, ndzi yi dlayile." A ku, "Nakona Xikwembu..." Hosi liya yi nga wa yi nga yima lahaya, masocha ya vona lawa ya ti nandzihisaka ngopfu lawa ya koxaka ku tirhela Xikwembu xa Tilo, nakona va pfumelela Mufilista yaloye loyi a nga yimbangiki a yima lahaya a nyamisa mavuthu ya Xikwembu lexi xi hanyaka. A ku, "Nandza wa Wena nakambe u ta n'wi dlaya. Hikuva, Xikwembu Lexi xi nga ndzi ponisa eka nghala nale ka xinkankanka, nakambe xi ta ndzi kutsula eka Mufilista luya a nga yimbangiki." A nga kalanga a nghanghamela, a nga vulanga a ku, "kumbexani swi ta endleka." U teri, "Swi ta endleka!" A ngari na tingana.

²⁰⁰ Daniel, emahlweni ka hosi, a nga chavi ku nyamisa swileriso swa yena swa leswaku kuhava loyi a nga khongelaka, ntsena eka yena. U pfurile mafestere a cukumeta banti, kutani a khongela ka nharhu hi siku. A nga chavi.

²⁰¹ Shadrach, Meshack, na Abednego, a va nga chavi hi khele lero ra ndzilo. Va ku, "Xikwembu xa hina xa swikota ku hi ponisa. Xikwembu xi nga hi ponisa. Kambe loko Xi nga swi endli, a hi nge khinsameli xivumbeko xa wena." A va ngari na tingana ha swona. Ee, nkulukumba. Ee, nkulukumba. Hakunene-nene a va ngari na tingana ha swona, hikuva a va switiva.

²⁰² Samson a ngari na tingana emahlweni ka Vafilista. Loko magidi ya ta n'wi hlongoris, u rhwalerile rhambu ra rihlaya ra mbhongholo. Nakona tihelmente ta vona, a ti ri kwalomu ka inchi na hafu hi ku bumbula, ti ri ta koporo. U be gidi ra vona ha rona, nakona a sala a ha khomile rhambu ra rihlaya evokweni ra yena. A nga nyumi. Ntsena u lo rhwalela leri a ri

ri evokweni ra yena, a ya a ya tirha ha rona. A switiva leswaku Moya wa Xikwembu a wuri ehenhleni ka yena. A switiva leswaku u tswariwe a ri Munazareta. A switiva leswaku ku hava lexi xi nga ta n'wi karhata. A ri nandza wa Xikwembu. Ntsena tani hiloko a ha ri eka ku rhanda ka Xikwembu, kuhava lexi xi nga yimaka endleleni ya yena, swi ngari na mhaka ni leswaku ku na tihihi tingani kumbe Vafilista vangani, kumbe i vangani lava va ha taka. Hi swona.

²⁰³ Johana a ngari na tingana ta Rito ra Xikwembu leri ri nga ta eka yena emananga, ni kuva ri n'wi byela leswaku famba u ya khuvula hi mati. A ngari na tingana kuvula leswaku, "Vonani Xinyimpfana xa Xikwembu lexi xi susaka xidyoho xa misava," hikuva Moya wa Xikwembu a wuri ehenhleni ka yena. A ngari na tingana emahlweni ka vaprista.

²⁰⁴ A ngari na tingana hi Rito ra Xikwembu loko a ya eka Heroda. Nsati wa Filipi a tshama na Heroda. A ya emahlweni ka xikandza xa hosi! Nakulorhi loyi wa khale wa xikandza xa wulu loyi a humaka emananga lahay, a ta a huma kwalahaya, a ri hava dyondzo kumbe a ri hava nchumu, kutani a ya exikandzeni xa Heroda, a ku, "A swi le nawini leswaku u ngava na yena!" A ngari na tingana hi Rito ra Xikwembu. Hakunene-nene a ngari na tingana ha Rona.

Stefano, a ngari na tingana hi Rito ra Xikwembu.

²⁰⁵ Xo sungula, vanhu va pentekostal lava a vari kona hi Siku ra Pentekostal, loko va tava va hlengeletananile eka kamara ra le henbla, Moya lowo Kwetsima wu wela ehenhleni ka vona, hi xitshembhiso xa Xikwembu. Luka 24:49 yi teri:

...vonani, ndzi ta mi rhumela eku lerisa ka Tatana:
kambe tshamani...mutini wa Yerusalem, ku fikela
siku leri mi nga ta funengetiwa hi matimba ya le henbla.

²⁰⁶ Nakona xitshembhiso xin'we lexi Rito ra Xikwembu ri nga va tshembhisa leswaku, "Vonani, Ndzi ta mi rhumela ku lerisa ka Tatana wa Mina ehenhleni ka n'wina, kambe rindzelani kwalahaya; mi nga ha kumi ntivo-vukhongeri kumbe tidyondzo ta xikolo, na swin'wana, rindzelani kufikela laha mi tatiwaka hi Matimba." Nakona loko Matimba lawa ya humaka eMatilweni ma fika, tani hi moya wa matimba wa xihuhuri, a va ngari na tingana hi Evhangeli.

²⁰⁷ Petro u yimile, a ku, "Hundzukani, un'wana na un'wana wa n'wina. N'wina vavanuna, na mavoko lamo biha, mi vambile Hosana ya ku Rhula, leyi Xikwembu xi nga yi pfuxa ekufeni. Nakona hi ti mbhoni. Hikuva leswi hi leswi Yoel a nga swivula leswaku swi ta humeleta emasikwini ya makumu, 'Ndzi ta chela Moya wa Mina ehenhleni ka nyama hinkwayo.'" A ngari na tingana na Evhangeli.

²⁰⁸ Stefano lontsongo, tani hilaha ndzi nga n'wi vula eka timinetse tintsongo leti nga hundza, loko a tava a nghanile

kwalahaya tani hi—hi—hi bubutsa. A ngari muchumayeri. A ri mudiyakoni ntsena, kambe u mbhoniyerile hinkwako hi ta ku pfuka. A hlanganile na Xikwembu. Nakona ntsena swi kotisa . . .

²⁰⁹ Va ringetile ku n'wi yimisa? Kunene, a swikotisa kufana ni loko u—u tshivela yindlu, u tshivela ndzilo, eka yindlu leyi yi pfurhaka, hi siku ra moya, hi nkarhi lowu wu nga oma. Hikokwalaho ka yini, nkarhi hinkwawo loko moya wu ba, ntsena wu tshivela ndzilo wun'wana.

²¹⁰ Va n'wi rhwale va n'wi yisa emahlweni ka Sanhedrin Council. Mi kale mi swi lemuka leswaku a kuri yini sweswo? Yaleyoyi kotisa Ecumenical Council. Vukhongeri hinkwabyo a byi ya emahlweni, ehansi ka Ecumenical Council. Hinkwavo ka vona a va kongomile kwalahaya ehansi ka Sanhedrin Council. Vafarisi, Vasaduki, Vaheroda, hambi va ngava va ri vamani na mani, a va fanela ku ta hi khansele yaleyoyi. Nakona va n'wi vutla-vutlike, kungari nhlangano wun'we ntserna, kambe khansele leyikulu yi n'wi vutla-vutlike. “Hi ta chavisa xivindzi lexi xi nga eka yena.”

²¹¹ Loko a ta famba, hi mixo walowo, Bibele yi teri xikandza xa yena xi kotiso xa Ntsumi. A ku, “Vavanuna na vamakwerhu, mi nge ndzi vulavula na n'wina. Va tatana va hina a va tshama eMesopotamia va nge si ta eKaran,” na kuya emahlweni. A ta famba a ya nyika Matsalwa. Kutani loko a tava a vavisekile, Moya wu tile eka yena, a ku, “N'wina va tinhamu to nononhwa, va timbilu leti ti nga yimbangiki na tindleve, minkarhi hinkwayo mi alela Moya lowo Kwetsima; kukotisa vatatana va n'wina hilaha va swi endleke, na n'wina ma swi endla.” A ngari na tingana hi Evhangeli, a ngari na tingana hi Rito. A ngari nyumi emahlweni ka yin'wana na yin'wana ya Sanhedrin Council. Ee.

²¹² Paul u teri emahlweni ka Agrippa. Tani hilaha ndzi nga Muyuda, loyi a nga dyondza ehansi ka Gamaliel, loyi a ri lonkulu swinene. Kambe siku rin'wana, endleleni yo ya eDamaska, u humelele eVukoneni, a hlangana na Xikwembu. Ntsumi yi xikela ehansi kusuka eTilweni, hi xivumbeko xa Langavi ra Ndzilo, Kuvonakala loku ku nga n'wi ba a wela ehansi. A pfuka, a ku, “U Mani, Hosi?”

Kutani A ku, “Hi Mina Yesu.”

²¹³ Loko a ha yimile emahlweni ka Agrippa, u vuyelerise xitorhi nakambe. A ku, “A ndzi na tingana hi Evhangeli ya Yesu Kreste, hikuva Yi Matimba ya Xikwembu eka ku ponisa, eka un'wana na un'wana loyi a pfumelaka.” Hakunene.

²¹⁴ Sweswi, vanghana, hi ta hi huma ehansi na vanhu, ehansi eka nguva, kambe hi hundzile minkarhi.

²¹⁵ Kambe mi nge ndzi vula leswi. Munhu loyi a nga tshama a tihlanganisa na Xikwembu, lexi xi nga Rito, nakona Rito ri vekiwe erivaleni ri tivonakarisa eka yena, ku hava tingana eka

sweswo. A wu nyumisiwi. A swi ndzi nyumisi ku vula leswaku ndzi pfumela Rito rin'wana na rin'wana ra Xikwembu. A swi ndzi nyumisi loko Hosi yi ku vula swin'wana, u ya u ya swi vula ni ku swi endla; a swi ndzi nyumisi ku vula leswaku ndzi tatiwe hi Moya lowo Kwetsima; a swi ndzi nyumisi ku vula leswaku ndzi vulavurile hi tindzimi tin'wana; a swi ndzi nyumisi ku vula leswaku Hosi ya hina yi ndzi kombe swivono; a swi ndzi nyumisi ku vula leswaku wa hari Yena wa tolo, namuntha, ni hilaha ku nga heriki.

²¹⁶ “Loko u tisiwa emahlweni ka vafumi na tihosí, hikokwalaho ka Vito ra Mina, u nga kali u teka miehleketo yin'wana ya leswaku u ta vula yini, hikuva yi ta nyikiwa eka wena hi awara yaleyo. A hi wena u vulavulaka, kambe i Tatana wa Mina loyi a tshamaka endzeni ka wena. Kambe loyi a nga na tingana ha Mina na Rito ra Mina, eka rixaka leri, na Mina ndzi tava na tingana emahlweni ka Tatana wa Mina na Tintsumi leto kwetsima.” Xikwembu a xi hi pfuni leswaku hi ngavi na tingana, kambe xi hi pfuna leswaku hi va vumbhoni lebyi byi hanyaka.

²¹⁷ Munhu un'wana na un'wana eka Testamente ya Khale, loko vaprofeta va tile, va vile—va vile Rito leri ri hanyaka. A va ri Rito. Yesu u teri va vitaniwile swikwembu, nakona a vari tano, hikuva Rito ra Xikwembu ri te eka vona. Va ku, “HI LESWI SWI VULAKA HI HOSI.”

²¹⁸ Nakona na mudyondzisiwa un'wana na un'wana wa Kreste loyi a nga tihlanganisa na Yena eka ku kutsuriwa, nakona ku ponisiwa ku ta embilwini ya yena, hi yena muhlayisi wa Xikwembu. Nakona i vutomi bya muxaka muni lebyi hi fanelaka ku byi hanya, ni hilaha hi fanelaka ku fambisa xiswona, ni hilaha hi fanelaka ku vulavula ha kona, loko Xikwembu hi leswaku xi le ku tikombiseni xona hi Xoxe hi mi mirhi ya hina leyí yi bolaka? I mani loyi a nga tava na tingana ha sweswo xana?

²¹⁹ Loko ndzi ta endhawini leyi ndzi nga ematimbeni ya xiphorissa lahwani eJeffersonville, ndzi famba hi xitarata, eka matimba hinkwawo, a ndzi nge khomíwi hi tingana ta doroba. Ndzi tava xiphemu xa doroba. Ndzi tava ndzi ri phorisá, xiphemu xa doroba, ku nyika xileriso na matikhomelo. Loko munhu a tsutsuma rivoni ro tshwuka, a ndzi ngevi na tingana ku n'wi byela leswaku u hoxile, ndzi n'wi nyika thikithi. Walowo i ntirho wa mina, hikuva ndza—ndza hakeriwa hi doroba. Ndzi hanya hi doroba. Ndzi na matimba lawa ya humaka edorobeni. Swi ngari na mhaka ni loko a pyopyiwile, kumbe kuri mhaka na yena, va ndzi seketela. Ndzi yima emisaveni ya mina, hikuva ndzi phorisa nakona kumbe—. Ndzi lo hlawuriwa, kumbe ndzi vekiwa lahwani ni ku nyikiwa matimba yo swi endla leswi. U fanele hi ku teka nawu na tinfanelo, na swin'wana, ni ku vona leswaku swi endliwa kahle.

²²⁰ Kutani, loko ndzi ri Mukreste na kuva ndzi tatiwa hi Moya, ndzi ambarile vumbhoni bya ku pfuka ka Yesu Kreste,

bya leswaku hi Yena wa tolo, namunlhha, ni hilaha ku nga heriki, u nga n'wi pfumeleli javuloso a ringeta ku ku sukumeta sukumeta, a ku, "U nga swi endli *leswi* nakona u nga swi endli *sweswo*." U endla Rona. Xikwembu xi ku nyikile...

²²¹ Wa vona, a hi na matimba. Phorisa lero a ri na matimba yo yimisa movha na yin'we. Swi kwalomu ka... nkarhi wun'wana i matimba ya madzana manharhu kumbe mune ya hanci ya movha, xana a nga endla yini ha swona? Kambe u na vuhosi.

²²² Nakona swi tano nale ka Kereke. Hi na vuhosi, lebyi byi humaka eka ku pfuka ka Yesu Kreste na xitshembhiso xa Yena xa Rito, haleluya, "Swilo leswi Ndzi swi endlaka mi ta swi endla na n'wina; mi ta endla swo tlula leswi, hikuva Ndzi ya eka Tatana."

²²³ Mi ngari na tingana ha Yena eka rixaka leri; ra vudyoho, ro sohasoha, rixaka ro hetelela leri ri nga tshama ri va kona emisaveni, ra vudyoho lebyi, ro hungukiwa, ni kuva ri talele hi swilondza leswi nga bola. Hinkwaswo, hinkwaswo leswi a swi ri swa kahle swi vile leswi swi ngariki swa kahle. Tipolotiki ta tiko, thyaka! Matiko ya fayeka.

²²⁴ Endzhaku emakhwatini ya Afrika, eka vahloti va safari, va fanele hi ku teka tirhediyo ta matimba lamakulu ku yingisela Elvis Presley, Pat Boone, na vanhu va vona na "rock-and-roll" na ku tisoh-a-soha. Na va aka-ndhawu, va ringeta ku va vona va va na maendlelo man'we, va ri karhi va yimisa tinhloko ta vona va va na maendlelo yo kotisa yalawa, va aka-ndhawu va yimile va n'wi languta. Kambe, ma swi vona, a hi ma Amerika ku kotisa Pat Boone, na Elvis Presley, na Ricky Nelson, na vanhu va vona leswi va nga xiswona. A hi va Judas va muxaka walowo, kambe va... Wa vona, i moyo. Nakona moyo a wule Amerika ntsena, wu tihangalasile na misava, leswaku wu va tisa eka nyimpi ya Armagedon. Va na maendlelo yo kotisa yalawa, hambi va... Hambi va huma eka tiko rihi, Afrika, India, hambi ri ngava rihi, thyaka lero na maendlelo ya hangalake na misava hinkwayo, hi munhu un'we ntsena loyi a nga swi sungula.

²²⁵ Swingaleswi swi tano na Evhangeli na Matimba ya Xikwembu xa Matimba hinkwawo, yi hangalakile na misava! Nakona nkarhi wa ku avana sweswi wu teka ndhawu, loko Xikwembu xi vitana Mutekiwa, na Javulosi u le ku vitaneni ka kereke. Mi nge mina ndzi va xiphemu xa Mutekiwa!

A hi khongeleni.

²²⁶ Eka Xikwembu, ha ri vona voko ri tsalaka ekhumbhini, Hosi. Hi le nkarhini wa makumu. Ha switiva leswaku ku na swilo leswikulu ngopfu swi nga emahlweni, kambe swi kun'wana, kun'wana ehandle ka thyaka leri ri nga lahwani, ka harhi vanhu vo tshembheka lava va nga hlawuleriwa kuya eVuton'wini. Swi ngaka swi nga koteki eka munhu un'we kumbe vambirhi; kambe, Xikwembu, hinkwerhu ka hina hi ri kun'we, hi pfumeleli

leswaku hi hangalaka na yinhla yin'wana na yin'wana leyi hi nga yi kotaka, mahungu lamanene ya leswaku Yesu wa vuya, nakona, wa vona, ntsena hi hangalasa Xinkwa nyana kun'we, Rito rintsongo. Laha Magama ma nga kona, ma ta landzela Swakudya sweswo. Hambi Swi ta hi thepi, kumbe Swi ta hi rito ra vumbhoni, Magama ya ta Swi landzela ku ya eka tsindza wa Swona. Hikuva Ku tsariwile leswaku, "Laha Ntsumbu wu nga kona, hilaha Magama ya hlengeletanaka kona." Wena Yesu, ha switiva leswaku Wena hi wena Ntsumbu lowu hi wu dyaka. Hi Wena Rito, nakona Rito ri endlive nyama ri tshama exikarhini ka hina. Ha khongela, Xikwembu, leswaku tani hiloko hi hangalasa Rito, leswaku Magama ya ntiyiso ya ta Ri kuma.

²²⁷ Hi endlive leswaku hi ngavi na tingana loko hi yima emahlweni ka vanhu, va vabihi, vanhu vo hambarana, lava khongelaka, hambi va ngava vahi. Tani hilaha Paul a byelete Timotiya leswaku:

...Huwelela rito, phikelela hi nkarhi ni loko wu
nga ri nkarhi; u laya, u tshinya, u...khongotela hi ku
yingisela hinkwako, niku dyondzisa.

Hikuva ku ta humelela nkarhi lowu vanhu va nga
taka va nga yingiseri dyondzo leyi hayisaka; kambe hi
ku navela ka vona...va ta tihlengeletela vafundhisi,
va ri karhi va tiphumundha tindleve,

Kutani va ta hambukisa tindleve ta vona...
entiyisweni,...va ta hundzukela mitshekeweni.

²²⁸ Xikwembu, hi hanya eka siku lero. U ndzi pfumelerile leswaku ndzi hanya ku ringanelo leswaku ndzi swi vona loko swi humelela. Tani, hi lava va nga tshama lahawani eka yinhla ya ribye ya tabernakele leyi namunthla, ya malembe ya makume nharhu-nharhu lawa ya nga hundza.

²²⁹ Xikwembu, katekisa un'wana na un'wana loyi a nga kona lahawani. Loko kuri na un'wana kwalahawani, Hosi, loyi o ka a nga tilulamiselanga ku hlangana na Wena, lava ntsena va nga taka va nga yimi na rona Rito ra Wena, nakona a va se hlangana na Wena nghohe hi nghohe ni ku tiva leswaku a wo va Wa maendlelo yan'wana yo—yo—yo xisa, tani hiloko u ngava mukhuva kumbe swin'wana, kambe tani hiloko va hlangana na Xikwembu lexi xi hanyaka; nakona loko va nga swi endlanga leswi, Hosi, va nga ha swi endla sweswi.

²³⁰ Ndza—ndza pfumela U le—U le kusuhiusuhi swinene eka awara leyi. A ndzi va tivi leswaku i va mani. A ndzi switivi loko nakona a ri kona un'wana kwala, kambe ndzi titwa ndzi rhangeriwa ku Ku khongela. Ku ngari leswaku vanhu va ndzi yingisela, hikuva sweswo ku tava kuri maendlelo ya mutikukumuxi. Xikwembu xi swi alerile. A ndzi swilavi kuva mutikukumuxi. Kambe ndza swikhongeleta hi ku tshembheka ka mbilu ya mina, Hosi.

²³¹ Hambi a nga va mani kumbe mani loyi U nga ta vulavula na yena mixo lowu, leswaku va titsongahata va ngavi na tingana, kambe endzeni ka ku enta ka timbilu ta vona va Ku amukela sweswi, va ta emadyambyini lawa va ta khuvuriwa hi Vito ra Yesu Kreste, va landzelela Rito rin'wana na rin'wana, Rito rin'wana na rin'wana; loko hi leswaku va khuvuriwile ku hambana, kumbe va lo haxiwa kunene, ku cheriwa. Tsundzuka (ha swi endla, Hosi) laha Wena u nge teri, "Loyi a nga ta hunguta Rito rin'we eBukwini, ku engetela rin'we eka Yona, xiphemu xa yena xi ta susiwa eka Buku ya Vutomi." Hambi loko a nga ringeta, a ta, a nghanisa vito ra yena ebukwini, swi—swi ngaka swi nga tirhi. Hi pfumeleli hi tshembheka hi tlhela hi titsongahata.

²³² Sweswi va le mavokweni ya Wena, Hosi. Tirha na vona tani hilaha U vonaka va ringanerile, hikuva i va Wena. Hi Vito ra Yesu Kreste, loyi a nga N'wana wa Xikwembu.

²³³ Sweswi loko ha ha korhamisile tinhloko ta hina, ndzi mi lava miehleketa kahle sweswi. Xo sungula, ndzi kombela ku khomeriwa, ku va ndzi mi hlwerisile hi khume ntlanu wa timinetse. Sweswi hi lava ku hama. Nakona n'wina ntsena ehlekетани etimbilwini ta n'wina sweswi, "Xana hakunene ndzi hlangane na xona Xikwembu xana?" Ntsena ehlekетани hi ku tshembheka sweswi. Hikuva, a swi nge teki minkarhi yo tala nkarhi wun'wana kufikela... Wu nga hava wuri nkarhi wo hetelela sweswi, lowu u nga hlanganaka na wona ku nga se fika ku Vuya ka Yena. Wu fikile, vanghana. Matsalwa hinkwawo, ya tikombisa ya fana, ntsena ya hetisekile. Nakona wu nga hava, wa wena na mina, lexi xi nga hava xinkadyana xo hetisela. Hi nga ha va hi fambile ku nga se fika vusiku.

N'ta N'wi landza, landza matilwen'.

Ndzi twa, "Xana mi na tingana ha Mina na
Rito ra Mina xana?"
Ndzi twa Yesu...

²³⁴ Sweswi anakanyani hi loko mi nga va mi ettele emubedweni wa rifu sweswi. "Ndzi twa..." Wu nga hava wu fambile nkarhi, kambe a hi wona sweswi.

"Teka xihambano xa wena, kutani," u ta
fanela ku tinyikela sweswi, "ku Ndzi
landza."

Sweswi, endzeni ka timbilu ta n'wina, hlamulani leswi:

N'ta N'wi landza ne ntangeni,
N'ta N'wi landza ne ntangeni,
N'ta N'wi landza ne ntangeni,
N'ta N'wi landza, N'wi landza...

²³⁵ Sweswi na tinhloko ta hina leti nga korhama, ntsena a hi yimiseni mavoko ya hina hi ku:

N'ta N'wi landza ne kuavanyiseni,

Sweswi, sweswo hi leswi swi yaka emahlweni sweswi, U le ku hi avanyiseni.

N'ta n'wi . . .

Hosi, xana U ndzi kume ndzi ri na nandzu xana? Kutani, ndzi rivaleri.

. . . ne kuavanyiseni ka Yena,

Xana U ndzi avanyisela yini mixo lowu, Hosi?

. . . N'wi landa eka kuava- . . .

Ndzi ringeti, Hosi, languta loko kuri na leswi swi nga basangiki eka mina.

. . . ku N'wi landza, N'wi landza hinkwako.

²³⁶ Tatana, ha Ku khensa mixo lowu hi mavoko lawa hinkwawo. A ndzi voni munhu un'we kambe va yimisile mavoko ya bona hinkwawo. Ndza Ku khensa, Hosi. Ndza—ndza tshembha leswaku a Wu se swi endla, Hosi. Kuhava loyi voko ra yena ri nga yimangiki, va ti lulamiserile ku ya eka ku avanyisa. Hi avanyisi, Hosi. Nakona loko kuri na loyi a nga hoxa eka hina, hi rivaleli eka swona, Tatana. Hi nyike tintswalo ta Wena, hikuva a hi swilavi ku hlangana na ku avanyisa ka Wena loko tintswalo ti ngari kona. Swingaleswi, tintswalo ta ha ri kona sweswi, swingaleswi ha khongela, Xikwembu, leswaku Wena u ta hi avanyisa u tlhela u hi rivalela swidyoho swa hina, kuya hi Rito ra Wena na xitshembhiso xa Wena. Nakona U hi pfumelela hi ku hanyela masiku hinkwawo ya vutomi bya hina, leswaku hi ngavi na tingana hi Evhangeli.

²³⁷ Sweswi, Tatana, loko hi leswaku kuri ku rhandza ka Wena, hi le ku sunguleni ka Tisonta tinharhu sweswi, ta tinhlengeletano. Lulamisa timbilu ta hina u ti lulamisela swona, Hosi. Ndzi lulamisi na mina, Wena Xikwembu. Ndzi un'wana loyi a nga yima hi ku enta eka xilaveko xa Wena. Ndza khongela leswaku U ta ndzi fambisa ni ku ndzi kongomisa eka swilo leswi ndzi fanelaka ku swi endla ni ku swivula, eka masiku lawa ya taka.

²³⁸ Fambisa ni ku kongomisa Makwerhu Neville wa hina loyi a rhandzekaka, nandza wa kahle wa Wena, Hosi; nakambe na Makwerhu Mann, na madiyakoni ya kereke, na matrasti, na munhu un'wana na un'wana loyi a nga hlengleletana lahawani.

²³⁹ Hi lulamise, Hosi, leswaku hi nga ha swikota, hi ndllela ya—ya Xikreste, ku tisa vadyohi eka Wena, niku tisa swirho swa kereke eka ku tiva Xikwembu lexi hi xi tivaka, leswaku hi hlanganile na yumunhu, N'wi pfumeleli leswaku a va Xikwembu xa bona, na bona. Sweswi, Tatana, leswi hi ngaka hi nga swi endli, hi ngaka hi nga va rhumeli kuya nghena. Kambe Wena, Moya lowo Kwetsima, famba-famba ehenhleni ka vanhu, va nga swirho swa tikereke.

²⁴⁰ Nakona tani hi ntokoto lowuntsongo ndzi ngava na wona na Wena mixo wun'wana leswaku, "Famba u ya kumela N'wana wa mina Mutekiwa. N'wi teki exikarhi ka vanhu, exikarhi ka tikereke. U n'wi humesa Mutekiwa yaloye." Ndzi pfumeleli, eka xikhongelo sweswi, Hosi. U rhumela Rebekah; ndzi ta ringeta ku va Eliezer. Ndzi pfuni leswaku ndzi va nandza wo tshembheka. Nakona leswaku Xikwembu xa Matilo xi rhumela Ntsumi ya Xona emahlweni ka mina, ka hina, leswaku hi nga ha hlengeleta swilo kun'we ni ku hlawula Mutekiwa loyi A nga hlawuriwa. Ha swi kombela hi Vito ra Yesu. Amen.

²⁴¹ Sweswi, ndzi khomeleni kuva ndzi mi khomeletile nyana swintsongo. I makume mbirhi-ntlhanu yi bile. A ndzi fanele ndzi humile lahawani, timinetse ta makume-ntlhanu leti ti nga hundza. Kambe, sweswi, ma ri rhandza risimu lero ra khale, "Tekani Vito Ra Yesu Mi Va Na Rona"? [Nhlenegetano yi ku, "Amen."—Muhleri.] A swi sasekanga sweswo xana? Ndzi ri yimbelerile lero ku ringana makume nharhu-nharhu wa malembe, tani hi risimu ro ntshuxa ntshungu. Nkhuvulo wa mati, "Emabuwensi ya bubutsa ra Yordani ndza yima." Nakona leswi ndzi ehleketa lesswaku swi sasekile, "Ntsena Ri tekeni mi famba na rona hinkwako laha mi yaka kona!"

Vito ro hlawuleka, O ri tsokombela njhani!
 Ku tshembhela... (Sweswi tlhavulanani na un'wana loyi a nga ekusuhi na wena.)
 Vito ro hlawuleka, Vito ro hlawuleka, O ri tsokombela njhani!
 Ku tshembhela eka misava na ntsako wa le Tilweni.

²⁴² Sweswi tsundzukani xikhongelo xa madyambu lawa, hafu ku bile awara ya nkombo, hafu ku bile awara ya nkombo vusiku bya namuntlha. Sweswi ntsena a hi yimbeleleni vhese yin'we ntsena, wa vona.

Teka Vito ra Yesu u va na rona,
 Tani hi xitlhangu eka xirimbana xin'wana na xin'wana;
 Loko miringo yi mi rhendzela... (U endla yini kwalaho xana?)
 Ntsena hefemula Vito ro kwetsima hi xikhongelo.
 Vito ro hlawuleka, O ri tsokombela njhani!
 Ku tshembha ka misava na ntsako wa le Tilweni;
 Vito ro hlawuleka, O ri tsokombela njhani!
 Ku tshembha ka misava na ntsako wa le Tilweni.

²⁴³ Xana ku na loyi a nga ta ta a ta khuvuriwa endzhaku ka xikhongelo lexi xana? Loko swi ri tano, yimisani mavoko ya n'wina. Un'wana loyi a lavaka ku khuvuriwa? I vambirhi, hi swona, lava va nga ta khuvuriwa endzhaku ka nhlengeletano leyi. Loko hi leswaku vunyingi bya n'wina, van'wana va n'wina lava mi lavaka ku khuvuriwa, hi tava na xikhongelo xa nkhuvulo eka yin'wana na yin'wana ta tinhlengeletano leti. Lexi mi nga xi endlaka ntsena i ku vutisa. Hi ti lulamiserile ku mi khuvula. Walowo i ntirho wa hina, wa kuva hi mi khuvula hi Vito ra Hosi ya hina Yesu Kreste. I ntirho wa hina ku swi endla. Nakona hi ta tsaka ku swi endla sweswo, nkarhi wun'wana na wun'wana. N'wina lava mi lavaka ku khuvuriwa, ntsena yanani atikamareni, xikan'we-kan'we endzhaku ka nhlengeletano, nakona hi taya emahlweni na nkhuvulo wa mati. Un'wana na un'wana loyi a lavaka ku va landza, u tava na ntiyiso wa leswaku hi kona...loko hi leswaku u hundzukile eka vudyoho bya wena nakona u amukerile Yesu tani hi Muponisi wa wena.

²⁴⁴ A wuri Mukreste ku ringana malembe, nakona a wu kalanga u vona ku Vonakala, nakona ku Vonakala ka ku ntshuxiwa ku fikile sweswi. Wansati, Mutekiwa loyi a nga ta teka Vito! Yesu u teri, "Ndzi tile hi Vito ra Tatana wa Mina, nakona a mi Ndzi amukelanga. Kambe loko kungava na un'wana loyi a taka hi vito ra yena, kutani ma n'wi amukela," yaleyo i dinominexini ya n'wina.

²⁴⁵ N'wana un'wana na un'wana u ta hi vito ra tata wa yena. Ndzi tile hi vito ra tata wa mina. Na n'wina vavanuna mi tile hi mavito ya vatatana va n'wina.

²⁴⁶ Nakona hi rihi Vito ra Yena xana, hi rihi Vito ra Tatana xana? I Yesu! Yena, "u tile hi Vito ra Tatana wa Yena, a mi Ndzi amukelanga." Sweswi Mutekiwa wa Yena u tava na Vito ra Yena, hakunene.

²⁴⁷ Ndzi teka wansati, hi vito ra Broy, nakona a va wa ka Branham.

²⁴⁸ U le ku teni a tela Mutekiwa, vanani na ntiyiso mi tlhela mi swi tsundzuka tani hiloko ma ha ta exidziveni.

A hikorhamiseni tihloko ta hina sweswi.

²⁴⁹ Nakona Makwerhu Vayle lahawani a hi muluveri eka hina. I makwerhu wo hlawuleka, u vile na mina eka tinhlengeletano to tala, yena na nsati wa yena. Nakona sweswi hi yena mutsari wa minchumayelo leyi na leswi swi yaka eka xivumbeko xa buku. Makwerhu Vayle, u nga hi ntshuxa hi xikhongelo, loko ha ha korhamisile tinhloko ta hina. [Makwerhu Vayle a khongela—Muhleri.]



TINGANA TSO65-0711
(Ashamed)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mawuwani 11, 1965, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org